



05746

通志卷第一百二十五

宋 右 迪 功 郎 鄭 樵 棗 漁 仲 撰

列傳第三十八

晉

解系 弟結 結弟育 孫旂 孟觀 牽秀 繆播 從弟 允 皇

甫重 張輔 李含 張方 閻鼎 索靖 子 繼 賈

疋 周浚 子嵩 從父弟 諡 成公簡 苟晞 華軼

劉喬 孫 耽 耽子柳 劉琨 子羣 與子演 祖 逖 兄 邵 續 李

矩 段匹磾 魏浚 族子 該 郭默 王導 子悅 洽 洽

子珣 珉

通志

卷一百二十五

列傳三十八

一

解系字少連濟南著人也父修魏琅邪太守梁州刺史  
考績為天下第一武帝受禪封梁鄒侯系及二弟結育  
竝清身潔已甚得聲譽時荀勗門宗彊盛朝野畏憚之  
勗諸子謂系等曰我與卿為友應向我公拜勗又曰我  
與尊先使君親厚系曰不奉先君遺教公若與先君厚  
往日哀頓當垂書問親厚之誨非所敢承勗父子大慙  
當世壯之後辟公府掾歷中書黃門侍郎散騎常侍豫  
州刺史遷尚書出為雍州刺史揚烈將軍西戎校尉假  
節會氏羌叛與征西將軍趙王倫討之倫信用佞人孫  
秀與系爭軍事更相表奏朝廷知系守正不撓而召倫

還系表殺秀以謝氏羌不從倫秀譖之系遂坐免官以  
白衣還第闔門自守及張華裴頠之被誅也倫秀以宿  
憾收系兄弟梁王彤救系等倫怒曰我於水中見蟹且  
惡之況此人兄弟輕我邪此而可忍孰不可忍彤苦爭  
之不得遂害之并戮其妻子後齊王冏起義時以裴解  
爲兇首倫秀旣誅冏乃奏理之永寧二年追贈光祿大  
夫加弔祭焉弟結字叔連少與系齊名辟公府掾累遷  
黃門侍郎歷散騎常侍豫州刺史魏郡太守御史中丞  
時孫秀亂關中結在都坐議秀罪應誅秀由是致憾及  
系被害結亦同戮女適裴氏明日當嫁而禍起裴氏欲  
認活之女曰家旣若此我何活爲亦坐死朝廷遂議革  
舊制女不從坐由結女始也後贈結光祿大夫改葬加  
弔祭結弟育字穉連名亞二兄歷公府掾太子洗馬尙  
書郎衛軍長史弘農太守與二兄俱被害妻子徙邊

孫旂字伯旗樂安人也父歷魏晉際爲幽州刺史右將  
軍旂絜靜少自修立察孝廉累遷黃門侍郎出爲荊州  
刺史名位與二解相亞永熙中徵拜太子詹事轉衛尉  
坐武庫火免官歲餘出爲兗州刺史遷平南將軍假節  
旂子弼及弟子髦輔政四人竝有吏材稱於當世遂與  
孫秀合族及趙王倫起事夜從秀開神武門下觀閱器

仗兄弟旬月相次爲公府掾尙書郎弼又爲中堅將軍領尙書左丞輔爲上將軍領射聲校尉髦爲武衛將軍領太子詹事玟爲武威將軍領太子左率皆賜爵開國郡侯推崇旂爲車騎將軍開府初旂以弼等受署僞朝遣小息回責讓弼等以過差之事必爲家禍弼等終不從旂制之不可但慟哭而已及齊王冏起義四子皆伏誅襄陽太守宗岱承冏檄斬旂夷三族弟尹字文旗歷陳畱陽平太守早卒

孟觀字叔時渤海東光人也少好讀書解天文惠帝卽位稍遷殿中郎曹后悻婦姑之禮陰欲誅楊駿而廢

通志

卷五十五

列傳三十八

三

太后因駿專權數言之於帝又使人諷觀會楚王瑋將討駿觀受賈后旨宣詔頗加誣其事及駿誅以觀爲黃門侍郎特給親信四十人遷積弩將軍封上谷郡公氏帥齊萬年反於關中衆數十萬諸將覆敗相繼中書令陳準監張華以趙梁諸王在關中雍容貴戚進不貪功退不懼罪士卒雖衆不爲之用周處喪敗職此之由上下離心難以勝敵以觀沈毅有文武材用乃啓觀討之觀所領宿衛兵皆趨捷勇悍并統關中士卒身當矢石大戰十數皆破之生擒萬年威懼氏羌轉東羌校尉徵拜右將軍趙王倫篡位以觀所在著績署爲安南將軍

監河北諸軍事假節屯宛觀子平爲淮南王允前鋒將軍討倫戰死孫秀以觀杖兵在外假言平爲允兵所害贈積弩將軍以安觀義軍旣起多勸觀應齊王問觀以紫宮帝坐無他變謂倫應之遂不從衆議而爲倫守及帝反正永饒冶令空桐機斬觀首傳于洛陽遂夷三族牽秀字成叔武邑觀津人也祖招魏鴈門太守秀博辯有文才性豪俠弱冠得美名爲太保衛瓘尙書崔洪所知太康中調補新安令累遷司空從事中郎與帝舅王愷素相輕侮愷諷司隸荀愷奏秀夜在道中載高平國守士田興妻秀卽表訴被誣論愷穢行文辭亢厲以譏

通志

卷一百五

列傳三十八

四

詆外戚于時朝臣雖多證明其行而秀盛名美譽由是而損遂坐免官後司空張華請爲長史秀任氣好爲將帥張昌作亂長沙王又遣秀討昌秀出關因奔成都王穎穎伐又以秀爲冠軍將軍與陸機王粹等共爲河橋之役機戰敗秀證成其罪又諂事黃門孟玖故見親於穎惠帝西幸長安以秀爲尙書秀少在京輦見司隸劉毅奏事而掩腕慷慨自謂居司直之任當能激濁揚清處鼓鞞之間必建將帥之勳及在常伯納言亦未曾有規獻弼違之奇也河間王顥甚親任之關東諸軍奉迎大駕以秀爲平北將軍鎮馮翊秀與顥將馬瞻等輔顥

以守關中顥密遣使就東海王越求迎越遣將麋晃等  
迎顥時秀擁衆在馮翊晃不敢進顥長史楊騰前不應  
越軍懼越討之欲取秀以自效與馮翊大姓諸嚴詐稱  
顥命使秀罷兵秀信之騰遂殺秀於萬年

繆播字宣則蘭陵人也父悅光祿大夫播才思清辯有  
意義高密王泰爲司空以播爲祭酒累遷太弟中庶子  
惠帝幸長安河間王顥欲挾天子令諸侯東海王越將  
起兵奉迎天子以播父時故吏委以心膂播從弟右衛  
率允顥前妃之弟也越遣播允詣長安說顥令奉帝還  
洛約與顥分陝爲伯播允素爲顥所敬信旣相見虛懷

通志

卷五十五

列傳三十八

五

從之顥將張方自以罪重懼爲誅首謂顥曰今據形勝  
之地國富兵彊奉天子以號令誰敢不服顥惑方所謀  
猶豫不決方惡播允爲越游說陰欲殺之播等亦慮方  
爲難不敢復言時越兵鋒甚盛顥深憂之播允乃復說  
顥急斬方以謝可不勞而安顥從之於是斬方以謝山  
東諸侯顥後悔之又以兵距越屢爲越所敗帝反舊都  
播亦從太弟還洛契濶艱難深相親狎及帝崩太弟卽  
帝位是爲懷帝以播爲給事黃門侍郎俄轉侍中徙中  
書令任遇日隆專管詔命時越威權自己帝力不能討  
心甚惡之以播允等有公輔之量又盡忠於國故委以

心膂越懼爲己害因入朝以兵入宮執播等於帝側帝  
歎曰姦臣賊子無世無之不自我先不自我後哀哉起  
執播等手涕泗獻歛不能自禁越遂害之朝野憤惋咸  
曰善人國之紀也而加虐焉其能終乎及越薨帝贈播  
衛尉祠以少牢允字休祖安平獻王外孫也與播名譽  
浚軍逼鄴石超等大敗允奔東海王越於徐州越使允  
與播俱入關而所說得行大駕東還越以允爲冠軍將  
軍南陽太守允從藍田出武關之南陽前守衛展距允  
不受允乃還洛懷帝卽位拜允左衛將軍轉散騎常侍

通志

卷之三十五

列傳三十八

六

太僕卿旣而與播及帝舅王延尙書何綏太史令高堂  
沖竝參機密爲東海王越所害

皇甫重字倫叔安定朝那人也性沈果有才用爲司空  
張華所知稍遷新平大守元康中華版爲秦州刺史齊  
王冏輔政以重弟商爲參軍冏誅長沙王乂又以爲參  
軍時河間王顥鎮關中其將李含先與商重有隙每銜  
之及此說顥曰商爲乂所任重終不爲人用宜急除之  
以去一方之患可表遷重爲內職因其經長安乃執之  
重知其謀乃露檄上尙書以顥信任李含將欲爲亂召  
集隴上士衆以討含爲名又以兵革累興今始寧息表

請遣使詔重罷兵徵舍爲河南尹舍旣就徵重不奉詔  
顓遣金城太守游楷隴西太守韓穉等四郡兵攻之成  
都王穎與顓起兵共攻又以討后父尙書僕射羊元之  
及商爲名又以商爲左將軍河東太守領萬餘人於缺  
門距張方爲方所破顓軍遂進又旣屢敗乃使商閒行  
齎帝手詔使游楷盡罷兵令重進軍討顓商行過長安  
至新平遇其從甥從甥素憎商以告顓顓捕得商殺之  
又旣敗重猶堅守閉塞外門城內莫知而四郡兵築土  
山攻城重輒以連弩射之所在爲地窟以防外攻權變  
百端外軍不能近城將士爲之死戰顓知不可拔乃上

通志

卷五十五

列傳三十八

七

表求遣御史宣詔喻之令降重知非朝廷本意不奉詔  
獲御史騶人問曰我弟將兵來欲至未騶云已爲河閒  
王所害重失色立殺騶於是城內知無外救遂共殺重  
先是重被圍急遣養子昌請救於東海王越越以顓新  
廢成都王穎與山東連和不肯出兵昌乃與故殿中人  
楊篇詐稱越命迎羊后於金墉城入宮以后令發兵討  
張方奉迎大駕事起倉卒百官初皆從之俄而又共誅

昌

張輔字世偉南陽西鄂人也漢河閒相衡之後少有幹  
局與從母兄劉喬齊名初補藍田令不爲豪彊所屈時



彊弩將軍龐宗西州大姓護軍趙浚宗婦族也故僮僕  
放縱爲百姓所患輔繩之殺其二奴又奪宗田二百餘  
頃以給貧戶一縣稱之轉山陽令太尉陳準家僮亦暴  
橫輔復擊殺之累遷尙書郎封宜昌亭侯轉御史中丞  
時積弩將軍孟觀與明威將軍郝彥不協而觀因軍事  
害彥又賈謐潘岳石崇等共相引重及義陽王威有詐  
冒事輔竝糾劾之梁州刺史楊欣有姊喪未經旬車騎  
長史韓預彊聘其女爲妻輔爲中正貶預以清風俗論  
者稱之及孫秀執權威構輔於秀秀惑之將繩以法輔  
與秀箋曰輔徒知希慕古人當官而行不復自知小爲  
身計今義陽王誠弘恕不以介意然輔母年七十六常  
見憂慮恐輔將以怨疾獲罪願明公留神省察輔前後  
行事是國之愚臣而已秀雖凶狡知輔雅正爲威所誣  
乃止後遷馮翊太守是時長沙王又以河間王顥專制  
關中有不臣之跡言於惠帝密詔雍州刺史劉沈秦州  
刺史皇甫重使討顥於是沈等與顥戰於長安輔遂將  
兵救顥沈等敗績顥德之乃以輔代重爲秦州刺史當  
赴顥之難金城太守游楷亦皆有功轉梁州刺史不之  
官楷聞輔之還不時迎輔陰圖之又殺天水太守封尙  
欲揚威西土召隴西太守韓稚會議未決稚子朴有武

幹斬異議者卽收兵伐輔輔與稚戰於遮多谷口輔軍  
敗績爲天水故帳下督富整所殺初輔嘗著論云管仲  
不如鮑叔鮑叔知所奉知所投管仲奉主而不能濟所  
奔又非濟事之國三歸反坫皆鮑不爲又論班固司馬  
遷云遷之著述辭約而事舉敘三千年事唯五十萬言  
班固敘二百年事乃八十萬言煩省不同不如遷一也  
良史述事善足以弊勸惡足以鑑誠人道之常中流小  
事亦無取焉而班皆書之不如二也毀貶黷錯傷忠臣  
之道不如三也遷旣創造固又因循難易益不同矣又  
遷爲蘇秦張儀范雎蔡澤作傳逞辭流離亦足以明其  
亮詞多不載

通志

卷五十五

列傳三十八

九

大才故述辯士則詞藻華靡敘實錄則隱核名檢此所  
以遷稱良史也又論魏武帝不及劉備樂毅滅於諸葛  
李含字世容隴西狄道人也僑居始平少有武幹兩郡  
竝舉孝廉安定皇甫商州里年少少恃豪族以含門寒  
微欲與結交含距而不納商恨焉遂諷州以短檄召含  
爲門亭長會州刺史郭奕素聞其賢下車擢含爲別駕  
遂處羣僚之右尋舉秀才薦之公府自太保掾轉秦國  
郎中令司徒選含領始平中正秦王東薨含依臺儀葬  
訖除喪尙書趙浚有內寵疾含不事已遂奏含不應除

喪本州大中正傳祇以名義貶舍中丞傳咸上表理舍  
橫被貶黜帝不納舍遂貶退割爲五品歸長安歲餘光  
祿差舍爲壽城邸閣督司徒王戎表舍曾爲大臣雖見  
割削不應降爲此職詔停後爲始平令及趙王倫篡位  
或謂孫秀曰李含有文武大才無以資人秀以爲東武  
陽令河閒王顥表請舍爲征西司馬甚見信任頃之轉  
爲長史顥誅夏何爽送齊王冏使與趙王倫遣張方率  
衆赴倫皆舍謀也後顥聞三王兵盛乃加舍龍驤將軍  
統席藎等鐵騎廻遣張方軍以應義師天子反正舍至  
潼關而還初梁州刺史皇甫商爲趙王倫所任倫敗去  
職詣顥顥慰撫之甚厚舍諫顥曰商倫之信臣懼罪至  
此不宜數與相見商知而恨之及商當還都顥置酒餞  
行商因與舍忿爭顥和釋之後舍被徵爲翊軍校尉時  
商參齊王冏軍事而夏侯爽兄在冏府稱爽立義被西  
藩枉害舍心不自安冏右司馬趙驥又與舍有隙冏將  
閱武舍懼驥因兵討之乃單馬出奔于顥矯稱受密詔  
顥卽夜見之乃說顥曰成都王至親有大功還藩甚得  
衆心齊王越親而專執威權朝廷側目今檄長沙王令  
討齊使先聞於齊齊必誅長沙因傳檄以加齊罪則冏  
可擒也旣去齊立成都在除逼建親以安社稷大勳也顥

從之遂表請討冏拜含爲都督統張方等率諸軍以向洛陽含屯陰盤而長沙王又誅冏含等旋師初含之本謀欲并去又冏使權歸於顥含因得肆其宿志旣長沙勝齊顥穎猶各守藩志望未允顥表含爲河南尹時商復被又任遇商兄重時爲秦州刺史含疾商滋甚復與重構隙顥自含奔還之後委以心膂復慮重襲已乃使兵圍之更相表罪侍中馮蓀黨顥請召重還商說又曰河間之奏皆李含所交構也若不早圖禍將至矣且河間前舉由含之謀又乃殺含

張方河間人也世貧賤以材勇得幸於河間王顥累遷

通志

卷之三十五

列傳三十八

二

兼振武將軍永寧中顥表討齊王冏遣方領兵二萬爲前鋒及冏被長沙王又所殺顥及成都王穎復表討又遣方率衆自函谷入屯河南惠帝遣左將軍商距之方以潛軍破商之衆遂入城又奉帝討方于城內方軍望見乘輿於是小退方止之不得衆遂大敗殺傷滿于衢巷方退壁于十三里橋人情挫衄無復固志多勸方夜遁方曰兵之利鈍是常貴因敗以爲成耳我更前作壘出其不意此用兵之奇也乃夜潛進逼洛城七里又旣新捷不以爲意忽聞方壘成乃出戰敗績東海王越等執又送于金墉城方使郅輔取又還營炙殺之於是大

掠洛陽官私奴婢萬餘人而西還長安顯加方右將軍  
馮翊太守蕩陰之役顯又遣方鎮洛陽上官已苗顯等  
距之大敗而退清河王覃夜襲已顯已顯出奔方乃入  
洛陽覃於廣陽門迎方而拜方馳下車扶止之於是復  
廢皇后羊氏及帝自鄴還洛方遣息罷以三千騎奉迎  
將渡河橋方又以所乘陽燧車青蓋素升三百人爲小  
鹵簿迎帝至芒山下方自帥萬餘騎奉雲母輿及旌旗  
之飾衛帝而進方初見帝將拜帝下車自止之方在洛  
既久兵士暴掠發哀獻皇女墓軍人喧喧無復畱意議  
欲西遷尙匿其迹欲須天子出因劫移都乃請帝謁廟  
帝不許方遂悉引兵入殿迎帝帝見兵至避之於竹林  
中軍人引帝出方於馬上稽首曰胡賊縱橫宿衛單少  
陛下今日幸臣壘臣當扞禦寇難致死無二於是軍人  
便亂入宮閣爭割流蘇武帳而爲馬棧方奉帝至弘農  
顯遣司馬周弼報方欲廢太弟方以爲不可帝至長安  
以方爲中領軍錄尙書事領京兆太守時豫州刺史劉  
喬檄稱潁川太守劉輿迫脅范陽王虓距逆詔命及東  
海王越等起兵於山東乃遣方率步騎十萬討之方屯  
兵霸上而劉喬爲虓等所破顯聞喬敗大懼將罷兵恐  
方不從遲疑未決初方從山東來甚微賤長安富人到

通志

卷之三十五

列傳三十八

五

輔厚相供給及貴以輔爲帳下督甚昵之顯參軍畢垣河閒冠族爲方所侮忿而說顯曰張方久屯霸上聞山東賊盛盤桓不進宜防其未萌其親信郅輔具知其謀矣而繆播等先亦構之顯因使召輔垣迎說輔曰張方欲反人謂卿知之王若問卿何辭以對輔驚曰實不聞方反爲之若何垣曰王若問卿但言爾爾不然必不免禍輔旣入顯問之曰張方反卿知之乎輔曰爾顯曰遣卿取之可乎又曰爾顯於是使輔送書於方因令殺之輔旣昵於方持刀而入守閤者不疑因火下發函便斬方頭顯以輔爲安定太守初繆播等議斬方送首與越冀東軍可罷及方死更爭入關顯頗恨之又使人殺輔閤鼎字台臣天水人也初爲太傅東海王越參軍轉卷令行豫州刺史事屯許昌遭母喪乃於密縣閒鳩聚西州流人數千欲還鄉里值京師失守秦王出奔密中司空荀藩藩弟司隸校尉組及中領軍華恆河南尹華督在密縣建立行臺以密近賊南趣許穎司徒左長史劉疇在密爲鴻主中書令李暉太傅參軍騶捷劉蒼鎮軍長史周顛司馬李述皆來赴疇僉以鼎有才用且手握彊兵勸藩假鼎冠軍將軍豫州刺史蔚等爲參佐鼎少有大志因西土人思歸欲立功鄉里乃與撫軍長史王

通志

卷五

列傳三十八

三

酖司馬傅遜懷翼戴秦王之計謂疇捷等曰山東非霸王處不如關中河陽令傅暢遺鼎書勸奉秦王過洛陽謁拜山陵徑據長安糾合夷晉興起義衆剋復宗廟雪社稷之恥鼎得書便欲詣洛流民謂北道近河懼有鈔截欲南自武關向長安疇等皆山東人咸不願西入荀藩及疇捷等竝逃散鼎追藩不及暉等見殺唯顛述走得免遂奉秦王行止上洛爲山賊所襲殺百餘人率餘衆西至藍田時劉聰向長安爲雍州刺史賈疋所逐走還平陽疋遣人奉迎秦王遂至長安而與大司馬南陽王保衛將軍梁芬京兆尹梁綜等竝同心推戴立王爲皇太子登壇告天立社稷宗廟以鼎爲太子詹事總攝百揆梁綜與鼎爭權鼎殺綜以王酖爲京兆尹鼎首建大謀立效天下始平太守麴允撫夷護軍索綝竝害其功且欲專權馮翊太守梁緯北地太守梁肅竝綜母弟綝之姻也謀欲除鼎乃誣其有無君之心專戮大臣請討之遂攻鼎鼎出奔雍爲氐竇首所殺傳首長安

索靖字幼安敦煌人也累世官族父湛北地太守靖少  
有逸羣之量與鄉人汜衷張魁索紛索永俱詣太學馳  
名海內號稱敦煌五龍四人竝早亡唯靖該博經史兼  
通內緯州辟別駕郡舉賢良方正對策高第傳元張華

通志

卷一百五

列傳三十八

古

與靖一面皆厚與之相結拜駙馬都尉出爲西域戍已  
校尉長史太子僕同郡張勃特表以靖才藝絕人宜在  
臺閣不宜遠出邊塞武帝納之擢爲尙書郎與襄陽羅  
尙河南潘岳吳郡顧榮同官咸器服焉靖與尙書令衛  
瓘俱以善草書知名帝愛之瓘筆勝靖然有楷法遠不  
能及靖在臺積年除鴈門太守遷魯相又拜酒泉太守  
惠帝卽位賜爵關內侯靖有先識遠量知天下將亂指  
洛陽宮門銅駝歎曰會見汝在荆棘中耳元康中西戎  
反叛拜靖大將軍梁王彤左司馬加蕩寇將軍屯兵粟  
邑擊賊敗之遷始平內史及趙王倫篡位靖應三王義

通志

卷一百五

列傳三十八

五

舉以左衛將軍討孫秀有功加散騎常侍遷後將軍太  
安末河間王顥舉兵向洛陽拜靖使持節監洛城諸軍  
事游擊將軍領雍秦涼義兵與賊戰大破之靖亦被傷  
而卒追贈太常時年六十五後又贈司空進封安樂亭  
侯諡曰莊靖著五行三統正驗論辯理陰陽氣運又撰  
索子晉詩各二十卷又作草書狀其辭曰聖皇御世隨  
時之宜倉頡旣生書契是爲科斗鳥篆類物象形獻哲  
變通意巧滋生損之隸草以崇簡易百官畢修事業竝  
麗蓋草書之爲狀也婉若銀鉤漂若驚鸞舒翼未發若  
舉復安蟲蛇蚪繆或往或還類阿那以羸形歛奮鬣而



桓桓及其逸遊肸嚮乍正乍邪騏驥暴怒逼其轡海水  
窟隆揚其波芝草蒲陶還相繼棠棣融融載其華元熊  
對踞于山嶽非燕相追而差池舉而察之又似乎和風  
吹林偃草扇樹枝條順氣轉相比附窈嬈廉筐隨體散  
布紛擾擾以倚靡中持疑而猶豫元螭蛟獸嬉其閒騰  
猿飛鱷相奔趣凌魚奮尾蛟龍反據投空自竄張設牙  
距或若登高望其類或若旣往而中顧或若俶儻而不  
羣或若自檢於常度於是多才之英篤藝之彥役心精  
微耽此文憲守道兼權觸類生變離析八體靡形不判  
去繁存微大象未亂上理開元下周謹案騁辭放手兩

通志

卷之三十五

列傳三十八

七

行水散高音翰厲溢越流漫忽班班而成章信奇妙之  
煥爛體礫落而壯麗姿光潤以粲粲命杜度運其指使  
伯英廻其腕著絕勢於紈素垂百世之殊觀先時靖行  
見姑臧城南石地曰此後當起宮殿至張駿於其地立  
南城起宗廟建宮殿焉靖有五子鯁綵璆聿緜皆舉秀  
才聿安昌鄉侯卒少子緜最知名緜字巨秀少有逸羣  
之量靖每曰緜廊廟之材非簡札之用州郡吏不足汗  
吾兒也舉秀才除郎中嘗報兄讎手殺三十七人時人  
壯之俄轉太宰參軍除好畤令入爲黃門侍郎出參征  
西軍事轉長安令在官有稱及成都王穎劫遷惠帝幸

鄴穎爲王浚所破帝遂播越河間王顥使張方及緄東  
迎乘輿以功拜鷹揚將軍轉南陽王模從事中郎劉聰  
侵掠關東以緄爲奮威將軍以禦之斬聰將呂逸又破  
聰黨劉豐遷新平太守聰將蘇鐵劉五斗劫掠三輔除  
緄安西將軍馮翊太守緄有威恩華戎嚮服賊不敢犯  
及懷帝蒙塵長安又陷模被害緄泣曰與其俱死寧爲  
伍子胥乃赴安定與雍州刺史賈疋扶風太守梁綜安  
夷護軍麴允等糾合義衆頻破賊黨修復舊館遷定宗  
廟進救新平大小百戰緄手擒賊帥李羌與閭鼎立秦  
王爲皇太子及卽尊位是爲愍帝緄遷侍中太僕以首

通志

卷之三十五

列傳三十八

七

迎大駕升壇授璽之功封戈居伯又遷前將軍尙書右  
僕射領吏部京兆尹加平東將軍進號征東尋又詔授  
衛將軍領太尉位特進軍國之事悉以委之及劉曜侵  
逼王城以緄爲都督征東大將軍持節討之破曜呼日  
逐王呼延莫以功封上洛郡公食邑萬戶拜夫人荀氏  
爲新豐君子石元爲世子賜子弟二人鄉亭侯劉曜入  
關芟麥苗緄又擊破之自長安伐劉聰聰將趙染染杖  
其累捷有自矜之色帥精騎數百與緄戰大敗之染單  
馬而走轉驃騎大將軍尙書左僕射錄尙書承制行事  
劉曜復率衆入馮翊帝累徵兵於南陽王保保左右議

曰蝮蛇在手壯士解其腕且斷隴道以觀其變從事中  
郎裴詵曰蛇已螫頭頭可截不保以胡崧行前鋒都督  
須衆軍集乃當發麴允欲挾天子趣保緄以保必逞私  
欲乃止自長安以西不復奉朝廷百官饑乏採稻自好  
時三秦人尹桓解武等數千家盜發漢霸杜二陵多獲  
珍寶帝問緄曰漢陵中物何乃多邪緄對曰漢天子卽  
位一年而爲陵天下貢賦三分之一供宗廟一供賓客  
一充山陵漢武帝享年久長比崩而茂陵不復容物其  
樹皆已可拱赤眉取陵中物不能減半于今猶有朽帛  
委積珠玉未盡此二陵是儉者耳亦百世之誠也後劉

通志

卷之三

列傳三十八

六

曜又率衆圍京城緄與麴允固守長安小城胡崧承檄  
奔命破曜于靈臺崧慮國家威舉則麴索功盛乃案兵  
渭北遂還槐里城中饑窘人相食死亡逃奔不可制唯  
涼州義衆千人守死不移帝使侍中宋敞送箋降於曜  
緄潛畱敞使其子說曜曰今城中食猶足支一歲未易  
可剋也若許緄以車騎儀同萬戶郡公者請以城降曜  
斬而送之曰帝王之師以義行也孤將軍十五年未曾  
以譎詭敗人必窮兵極勢然後取之今索緄所說如是  
天下之惡一也輒相爲戮之若審兵食未盡者便可勉  
疆固守如其糧竭兵微亦宜早寤天命孤恐霜威一震

玉石俱摧及帝出降緜隨帝至平陽聰以其不忠於本朝戮之於東市

賈疋字彥度武威人魏太尉詡之曾孫也少有志略器望甚偉見之者莫不悅附特爲武夫之所瞻仰願爲致命初辟公府遂歷顯職遷安定太守雍州刺史丁綽貪橫失百姓心乃譖疋于南陽王模模以軍司謝班代之疋奔瀘水與胡彭蕩仲及氐寶首結爲兄弟聚衆攻班綽奔武都疋復入安定殺班愍帝以疋爲驃騎將軍雍州刺史封酒泉公時諸郡百姓饑饉白骨蔽野百無一存疋率戎晉二萬餘人將伐長安西平太守竺恢亦固

通志

卷三十五

列傳三十八

元

守劉粲聞之使劉曜劉雅及趙染距疋先攻恢不剋疋邀擊大敗之曜中流矢退走疋追之至于甘泉旋自渭橋襲蕩仲殺之遂迎秦王奉爲皇太子後蕩仲子夫護帥羣胡攻之疋敗走夜墮于澗爲夫護所害疋勇略有志節以匡復晉室爲己任不幸顛墜時人咸痛惜之周浚字開林汝南安成人也父裴少府卿浚性果烈以才理見知有人倫鑑識其鄉人史曜素微賤衆所未知浚獨引之爲友遂以妹妻之曜竟有名於世浚初不應州郡之辟後仕魏爲尙書郎累遷御史中丞拜折衝將軍揚州刺史封射陽侯隨王渾伐吳攻破江西屯戍與

孫皓中軍大戰斬僞丞相張悌等首級數千俘馘萬計  
進軍屯于橫江時聞龍驤將軍王濬旣破上方別駕何  
惲說浚曰張悌率精銳之卒悉吳國之衆殄滅於此吳  
之朝野莫不震懼今王龍驤旣破武昌兵威甚盛順流  
而下所向輒剋土崩之勢見矣竊謂宜速渡江直指建  
鄴大軍卒至奪其膽氣可不戰而擒浚善其謀便使白  
渾惲曰渾闓於事機而欲慎已免咎必不我從浚固使  
白之渾果曰受詔但令江北抗衡吳軍不使輕進貴州  
雖武豈能獨平江東今者違命勝不足多若其不勝爲  
罪已重且詔令龍驤受我節度但當具君舟楫一時俱  
濟耳惲曰龍驤剋萬里之寇旣濟之功來受節度未  
之聞也且握兵之要可則奪之所謂受命不受辭也今  
渡江必全剋獲將有何慮若疑於不濟不可謂智知而  
不行不可謂忠實鄙州上下所以恨恨也渾執不聽居  
無何而濬至渾召之不來乃直指三江山孫皓降於濬  
渾深恨之而欲與濬爭功渾箋與浚曰書貴克讓易大  
謙光斯古文所詠道家所崇前破張悌吳人失氣龍驤  
因之陷其區宇論其前後我實緩師動則爲傷事則不  
及而今方競其功彼旣不吞聲將虧雍穆之弘興矜爭  
之鄙斯愚情之所不取也浚得箋卽諫止渾渾不能納

通志

卷之三

列傳三十八

五

遂相表奏浚旣濟江與渾共行吳城壘綏撫新附以功  
進封成武侯食邑六千戶賜絹六千疋明年移鎮秣陵  
時吳初平屢有逃亡者頗討平之賓禮故老接求俊又  
甚有威德吳人悅服初吳之未平也浚在弋陽南北爲  
互市而諸將多相襲奪以爲功吳將蔡敏守于沔中其  
兄珪爲將在秣陵與敏書曰古者兵交使在其閒軍國  
固當以信義相高而聞疆場之上往往有襲奪互市甚  
不可行弟慎無爲小利而忘大備也候者得珪書以呈  
浚浚曰君子也及渡江求珪得之問其本曰汝南人也

浚戲之曰吾固疑吳無君子而卿果吾鄉人遷侍中武

通志

卷之三

列傳三十八

三

帝問浚卿宗後生稱誰爲可答曰臣叔父子恢稱重臣  
宗從父子馥稱清臣宗帝竝召用浚轉少府卿以本官  
領將作大匠改營宗廟訖增邑五百戶後代王渾爲使  
持節都督揚州諸軍事安東將軍卒于位三子顓嵩謨  
顓嗣爵別有傳云嵩字仲智狷直果狹每以才氣陵物  
元帝作相引爲參軍及帝爲晉王又拜奉朝請嵩上疏  
言梓宮未反舊京未清未宜推崇尊號由是忤旨出爲  
新安太守嵩怏怏不悅臨發與散騎郎張嶷在侍中戴  
邈坐褒貶朝士又詆毀邈密表之帝召嵩入面責之  
曰卿矜豪傲慢敢輕忽朝廷由吾不德故耳嵩跪謝曰

昔唐虞至聖四凶在朝陛下雖盛明御世亦安能無碌碌之臣乎帝怒收付廷尉廷尉華恆以嵩大不敬棄市論疑以扇和減罪除名時顓方貴重帝隱忍久之補廬陵太守不之職更拜御史中丞是時帝以王敦勢盛漸疎忌王導等嵩上疏言導等忠素竭誠翼成大業不宜輕聽孤臣之言惑疑似之說放逐舊德以佞任賢遠虧既往之明顧傷伊管之交也疏奏帝感悟故導等獲全王敦既害顓而使人弔嵩嵩曰亡兄天下人爲天下人所殺復何所弔敦甚銜之懼失人情故未加害用爲從事中郎嵩王應嫂父也以顓橫逆遇禍意恆憤憤嘗衆

通志

卷一百一十五

列傳三十八

三

中云應不宜統兵敦密使妖人李脫誣嵩及周蕤潛相署置遂害之嵩精於事佛臨刑猶於市誦經云謨以顓故頻居顯職王敦死後詔贈戴若思譙王承等而未及顓時謨爲後軍將軍上疏訟若思等既蒙褒顯而顓獨負殊恩疏奏不報謨復表陳然後追贈顓官謨歷少府丹陽尹侍中中護軍封西平侯卒贈金紫光祿大夫諡曰貞浚從父弟馥馥字祖宣父蕤安平太守馥少與友人成公簡齊名俱起家爲諸王文學累遷司徒左西屬司徒王渾表馥理識清正兼有才幹主定九品檢括精詳臣委任責成褒貶允當請補尙書郎許之稍遷司徒

左長史吏部郎選舉精密論望益美轉御史中丞侍中  
拜徐州刺史加冠軍將軍假節徵爲廷尉惠帝幸鄴成  
都王穎以馥守河南尹陳眎上官巳等奉清河王覃爲  
太子加馥衛將軍錄尚書馥辭不受覃令馥與上官巳  
合軍馥以巳小人縱暴終爲國賊乃共司隸滿奮等謀  
共誅之謀泄爲巳所襲奮被害馥走得免及巳爲張方  
所敗召馥還攝河南尹暨東海王越迎大駕以馥爲中  
領軍未就遷司隸校尉加散騎常侍假節都督諸軍於  
澠池帝還宮出爲平東將軍都督揚州諸軍事代劉準  
爲鎮東將軍與周玘等討陳敏滅之以功封永寧伯馥  
自經世故每欲維正朝廷忠情懇至以東海王越不盡  
臣節每言論厲然越深憚之馥觀羣賊孔熾洛陽孤危  
乃建策迎天子遷都壽春永嘉四年與長史吳思司馬  
殷識上書卽請移幸時越與苟晞不協馥不先白於越  
而直上書越大怒先是越召馥及淮南太守裴碩馥不  
肯行而令碩率兵先進碩貳於馥乃舉兵稱馥擅命已  
奉越密旨圖馥遂襲之爲馥所敗碩退保東城求救于  
元帝帝遣揚威將軍甘卓建威將軍郭逸攻馥于壽春  
安豐太守孫惠帥衆應之使謝槁爲檄槁馥之故將也  
馥見檄流涕曰必謝槁之辭也槁聞之遂毀草旬日而



馥衆潰奔于項爲新蔡王確所拘憂憤發病卒初華譚之失廬江也往壽春依馥及馥軍敗歸于元帝帝問曰周祖宣何至於反譚曰周馥雖死天下尙有直言之士馥見寇賊滋蔓王威不振故欲移都以紓國難方伯不同遂致其伐曾不逾時而京都淪沒若使從馥之謀或可後亡也原情求實何得爲反帝曰馥位爲征鎮握兵方隅召之不入危而不持亦天下之罪人也譚曰然馥振纓中朝素有俊彥之稱出據方嶽實有偏任之重而高略不舉往往失和危不能持當與天下共受其責然謂之反不亦誣乎帝意始解馥有二子密矯密字泰元

通志

卷宿五

列傳三十八

五

性虛簡時人稱爲清士位至尙書郎矯字正女亦有才幹

成公簡字宗舒東郡人也家世三千石性清素不求榮利潛心味道罔有干其志者默識過人張茂先每言簡清靜比揚子雲默識擬張安世後爲中書郎時周馥已爲司隸校尉鎮東將軍簡自以才高而在馥之下謂馥曰揚雄爲郎三世不徙而王莽董賢位列三司古今一揆耳馥甚慙之官至太子中庶子散騎常侍永嘉末奔苟晞與晞同沒

苟晞字道將河內山陽人也少爲司隸部從事校尉石

鑑深器之東海王越爲侍中引爲通事令史累遷陽平太守齊王冏輔政晞參冏軍事拜尙書右丞轉左丞廉察諸曹八坐以下皆側目憚之及冏誅晞亦坐免長沙王又爲驃騎將軍以晞爲從事中郎惠帝征成都王穎以爲北軍中候及帝還洛陽晞奔范陽王虓虓承制用晞行兗州刺史汲桑之破鄴也東海王越出次官渡以討之命晞爲前鋒桑素憚之於城外爲柵以自守晞將至頓軍休士先遣單騎示以禍福桑衆大震棄柵宵遯嬰城固守晞陷其九壘遂定鄴而還西討呂朗等滅之從高密王泰討青州賊劉根破汲桑故將公師藩敗石

通志

卷第三十五

列傳三十八

五

勒於河北威名甚盛時人擬之韓白進位撫軍將軍假節都督青兗諸軍事封東平郡侯邑萬戶晞練於官事文簿盈積斷決如流人不敢欺其從母依之奉養甚厚從母子求爲將晞距之曰吾不以王法貸人將無後悔邪固欲之晞乃以爲督護後犯法晞杖節斬之從母叩頭請救不聽旣而素服哭之流涕曰殺卿者兗州刺史嬰弟者苟道將其杖法如此晞見朝政日亂懼禍及已而多所交結每得珍物卽貽都下親貴兗州去洛五百里恐不鮮美募得千里牛每遣信旦發暮還初東海王越以晞復其讎恥甚德之引升堂結爲兄弟越司馬潘

滔等說曰兗州要衝魏武以之輔相漢室苟晞有大志  
非純臣久令處之則患生心腹矣若遷于青州厚其名  
號晞必悅公自牧兗州經緯諸夏藩衛本朝此所謂謀  
之於未有爲之於未亂也越以爲然乃遷晞征東大將  
軍開府義同三司加侍中假節都督青州諸軍事領青  
州刺史進爲郡公晞乃多置參佐轉易守令以嚴刻立  
功日加斬戮流血成川人不堪命號曰屠伯頓邱太守  
魏植爲流人所逼衆五六萬大掠兗州晞出屯無鹽以  
弟純領青州刑殺更甚於晞百姓號小苟酷於大苟晞  
尋破植時潘滔及尙書劉望等共誣陷晞晞怒表求滔  
等首又請越從事中郎劉洽爲軍師越皆不許晞於是  
昌言曰司馬元超爲宰相不平使天下淆亂苟道將豈  
可以不義使之韓信不忍衣食之惠死於婦人之手今  
將誅國賊尊王室桓文豈遠哉乃移告諸州稱已功伐  
陳越罪狀時懷帝惡越專權乃詔晞施檄六州同共討  
越晞乃移諸征鎮尅期大舉會王彌遣曹嶷破琅邪北  
攻齊地苟純城守嶷衆轉盛連營數十里晞還登城望  
之有懼色與賊連戰輒破之後簡精銳與賊大戰會大  
風揚塵晞遂敗績棄城夜走疑追至東山部衆皆降嶷  
晞單騎奔高平收邸閣得數千人帝惡越滋甚又屢密

詔晞討之晞皆隨詔表聞言當祇奉詔書部分諸軍徑至項城龔行天罰初越疑晞與帝有謀使遊騎於成臯間獲晞使果得詔令及朝廷書遂大構嫌隙越出牧豫州以討晞復下檄說晞罪惡遣從事中郎楊瑁爲兗州與徐州刺史裴盾共討晞晞使騎收河南尹潘滔滔夜遁乃執尙書劉會侍中程延斬之會越薨盾敗詔晞爲大將軍大都督督青徐兗豫荆揚六州諸軍事增邑二萬戶加黃鉞先官如故晞以京邑荒饑日甚寇難交至表請遷都遣從事中郎劉會領船數十艘宿衛五百人獻穀千斛以迎帝朝臣多有異同俄而京師陷晞與王

通志

卷一百一十五

列傳三十八

七

讚屯倉垣豫章王端及和郁等東奔晞晞率羣臣尊端爲皇太子置行臺端承制以晞領太子太傅都督中外諸軍錄尙書自倉垣徙屯蒙城讚屯陽夏晞出於孤微位至上將志頗盈滿奴婢將千人侍妾數十終日累夜不出戶庭刑政苛虐縱情肆欲遼西閭亭以書固諫晞怒殺之晞從事中郎明預有疾居家聞之乃輿病諫晞曰皇晉遭百六之數當危難之機明公親稟廟算將爲國家除暴閭亭美士柰何無罪一日殺之晞怒曰我自殺閭亭何關人事而輿疾來罵我左右爲之戰慄預曰以明公以禮見進預欲以禮自盡今明公怒預其若遠

近怒明公何昔堯舜之在上也以和理而興桀紂之在上也以惡逆而滅天子且猶如此況人臣乎願明公且置是怒而思預之言晞有慙色由是衆心稍離莫爲致用加以疾疫饑饉其將溫畿傳宣皆叛之石勒攻陽夏滅王讚馳襲蒙城執晞署爲司馬月餘乃殺之晞無子弟純亦遇害

華軼字彥夏平原人魏太尉歆之曾孫也祖表太中大夫父澹河南尹軼少有才氣聞於當世汎愛博納衆論美之初爲博士累遷散騎常侍東海王越收兗州引爲留府長史永嘉中歷振威將軍江州刺史雖逢喪亂每

通志

卷五

列傳三十八

三

崇禮典置儒林祭酒以弘道訓乃下教曰今大義頽替禮典無宗朝廷滯議莫能攸正常以慨然宜特立此官以弘其事軍諮祭酒杜夷栖情元遠確然絕俗才學精博道行優備其以爲儒林祭酒俄被越檄使助討諸賊軼遣前江夏太守陶侃爲揚武將軍率兵三千屯夏口以爲聲援軼在州甚有威惠州之豪士接以友道得江表之歡心流亡之士赴之如歸時天子孤危四方瓦解若洛都道斷可輸之琅邪王以明吾之爲司馬氏也軼白以受洛京所遣而爲壽陽所督時洛京尙存不能祇

奉元帝敕命郡縣多諫之軼不納曰吾欲見詔書耳時帝遣揚烈將軍周訪率衆屯彭澤以備軼訪過姑熟著作郎于寶見而問之訪曰夫府受分令屯彭澤彭澤江州西門也華彥夏有憂天下之誠而不欲碌碌受人控御頃來紛紜粗有嫌隙今又無故以兵守其門將成其釁吾當屯尋陽故縣旣在江西可以扞禦北方又無嫌於相逼也尋洛都不守司空荀藩移檄而以帝爲盟主旣而帝承制改易長吏軼又不從命於是遣左將軍王敦都督甘卓周訪宋典趙誘等討之軼遣別駕陳雄屯彭澤以拒敦自爲舟軍以爲外援武昌太守馮逸次于湓口訪擊逸破之前江州刺史衛展不爲軼所禮心常怏怏至是與豫章太守周廣爲內應潛軍襲軼軼衆潰奔于安城追斬之及其五子傳首建鄴初廣陵高悝寓居江州軼辟爲西曹掾尋而軼敗悝匿軼二子及妻崎峴經年旣而遇赦悝攜之出首帝嘉而宥之

劉喬字仲彥南陽人也其先漢宗室封安衆侯傳襲歷三代祖廙魏侍中父阜陳畱相喬少爲祕書郎建威將軍王戎引爲參軍伐吳之役戎使喬與參軍羅尚濟江破武昌還授滎陽令遷太子洗馬以誅楊駿功賜爵關中侯拜尚書右丞豫誅賈謐封安衆男累遷散騎常侍

齊王冏爲大司馬初嵇紹爲冏所重每下階迎之喬言於冏曰裴張之誅朝臣畏憚孫秀故不敢受財物嵇紹今何所逼忌故畜裴家車牛張家奴婢邪樂彥輔來公未嘗下牀何獨加敬於紹冏乃止紹謂喬曰大司馬何故不復迎客喬曰似有正人言以卿不足迎者紹曰正人爲誰喬曰其則不遠紹默然頃之遷御史中丞冏腹心董艾勢傾朝廷百寮莫敢忤旨喬二旬之間奏劾艾罪釁者六艾諷右丞荀晞免喬官復爲屯騎校尉張昌之亂喬出爲威遠將軍豫州刺史與荊州刺史劉弘共

討昌進左將軍惠帝西幸長安喬與諸州郡舉兵迎大

通志

卷之三

列傳二十八

三

駕東海王越承制轉喬安北將軍冀州刺史以范陽王虓代領豫州刺史喬以虓非天子命不受代發兵距之潁川太守劉輿叱於虓喬上尚書列輿罪惡河閒王顥得喬所上乃宣詔使鎮南將軍劉弘征東大將軍劉準平南將軍彭城王繹與喬并力攻虓於許昌輿弟琨率衆救虓未至而虓敗虓乃與琨俱奔河北未幾琨率突騎五千濟河攻喬喬劫琨父蕃以檻車載之據考城以距虓衆不敵而潰喬復收散卒屯于平氏河閒王顥進喬鎮東將軍假節以其長子祐爲東郡太守又遣劉弘劉準彭城王繹等率兵援喬弘與喬箋勸令解兵與虓

修好及東海王越將討喬弘又與越書請釋私嫌共存  
公義既而上表朝廷乞發明詔詔越等兩釋猜嫌各保  
分局時河間王顥方距關東倚喬爲助不納其言東海  
王越移檄天下帥甲士三萬將入關迎大駕軍次於蕭  
喬懼遣子祐距越於蕭縣之靈壁劉琨分兵向許昌許  
昌人納之琨自滎陽率兵迎越遇祐衆潰見殺喬衆遂  
散與五百騎奔平氏帝還洛陽大赦越復表喬爲太傅  
軍諮祭酒越薨復以喬爲都督豫州諸軍事鎮東將軍

豫州刺史卒於官時年六十三愍帝末追贈司空子挺

通志

卷一百一十五

列傳三十八

三

駕東海王越承制轉喬安北將軍冀州刺史以范陽王  
虓代領豫州刺史喬以虓非天子命不受代發兵距之  
潁川太守劉興毗於虓喬上尙書列興罪惡河間王顥  
得喬所上乃宣詔使鎮南將軍劉弘征東大將軍劉準  
平南將軍彭城王繹與喬并力攻虓於許昌興弟琨率  
衆救虓未至而虓敗虓乃與琨俱奔河北未幾琨率突  
騎五千濟河攻喬喬劫琨父蕃以檻車載之據考城以  
距虓衆不敵而潰喬復收散卒屯于平氏河間王顥進  
喬鎮東將軍假節以其長子祐爲東郡太守又遣劉弘  
劉準彭城王繹等率兵援喬弘與喬箋勸令解兵與虓



修好及東海王越將討喬弘又與越書請釋私嫌共存  
公義既而上表朝廷乞發明詔詔越等兩釋猜嫌各保  
分局時河間王顥方距關東倚喬爲助不納其言東海  
王越移檄天下帥甲士三萬將入關迎大駕軍次於蕭  
喬懼遣子祐距越於蕭縣之靈壁劉琨分兵向許昌許  
昌人納之琨自滎陽率兵迎越遇祐衆潰見殺喬衆遂  
散與五百騎奔平氏帝還洛陽大赦越復表喬爲太傅  
軍諮祭酒越薨復以喬爲都督豫州諸軍事鎮東將軍  
豫州刺史卒於官時年六十三愍帝末追贈司空子挺  
潁川太守挺子耽字敬道少有行檢以義尚流稱爲宗  
族所推博學明習詩禮三史歷度支尚書加散騎常侍  
在職公平廉慎所莅著績桓元耽女婿也及元輔政以  
耽爲尚書令加侍中不拜改授特進金紫光祿大夫尋  
卒追贈左光祿大夫開府耽子柳字叔惠亦有名譽少  
登清官歷尚書左右僕射時右丞傅迪好廣讀書而不  
解其義柳唯讀老子而已迪每輕之柳曰卿讀書雖多  
而無所解可謂書籠矣時人重其言出爲徐兗江三州  
刺史卒贈右光祿大夫開府儀同三司喬弟又始安太  
守子成丹陽尹

通志

卷一百一十五

列傳三十八

三

劉琨字越石中山魏昌人漢中山靖王勝之後也祖邁

有經國之才爲相國參軍散騎常侍父蕃清高冲儉位  
至光祿大夫琨少得雋朗之日與范陽祖約俱以雄豪  
著名年二十六爲司隸從事時征虜將軍石崇河南金  
谷澗中有別廬冠絕時輩引致賓客日以賦詩琨預其  
閒文詠頗爲當時所許祕書監賈謐參管朝政京師人  
士無不傾心石崇歐陽建陸機陸雲之徒竝以文才降  
節事謐琨兄弟亦在其閒號二十四友太尉高密王泰  
辟爲掾頻遷著作郎太學博士尙書郎趙王倫執政以  
琨爲記室督轉從事中郎倫子琬卽琨姊婿也故琨父

通志

卷宿三

列傳三十八

三

三王之討倫也以琨爲冠軍假節與孫秀子會率宿衛  
兵三萬拒成都王穎戰於黃橋琨大敗而還焚河橋以  
自固及齊王冏輔政以其父兄皆有當世之望故特宥  
之拜兄輿爲中書郎琨爲尙書左丞轉司徒左長史冏  
敗范陽王虓鎮許昌引爲司馬及惠帝幸長安東海王  
越謀迎大駕以琨父蕃爲淮北護軍豫州刺史劉喬攻  
范陽王虓於許昌也琨與汝南太守杜育等率兵救之  
未至而虓敗琨與虓俱奔河北琨之父母遂爲劉喬所  
執琨乃說冀州刺史溫羨使讓位於虓及虓領冀州遣  
琨詣幽州乞師於王浚得突騎八百人與虓濟河共破

東平王楙於廩邱南走劉喬始得其父母又斬石超降  
呂朗因統諸軍奉迎大駕於長安以功封廣武侯邑二  
千戶永嘉元年爲并州刺史加振威將軍領匈奴中郎  
將現在路上表曰臣以頑蔽志望有限因緣際會遂忝  
過任九月末得發道險山峻胡寇塞路輒以少擊衆冒  
險而進頓伏艱危辛苦備嘗卽日達壺口關臣自涉州  
疆目覩困乏流移四散十不存二攜老扶弱不絕於路  
及其在者鬻賣妻子生相棄捐死亡委隄白骨橫野哀  
呼之聲感傷和氣羣胡數萬周匝四山動足遇掠開目  
覩寇唯有壺關可得告糴而此二道九州之險數人當  
路則百夫不敢進公私往反沒喪者多嬰守窮城不得  
薪采耕牛旣盡又乏田器以臣愚短當此至難憂如循  
環不遑寢食臣伏思此州雖云邊朔實邇皇畿南通河  
內東連司冀北杆殊俗西禦疆虜是勁弓良馬勇士精  
騎之所出也當須委輸乃全其命今上尙書請此州穀  
五百萬斛絹五百萬疋絲五百萬斤願陛下時出臣表  
速見聽處朝廷許之時東嬴公騰自晉陽鎮鄴并土饑  
荒百姓隨騰南下餘戶不滿二萬寇賊縱橫道路斷塞  
琨募得千餘人轉鬪至晉陽府寺焚毀僵尸蔽地其有  
存者饑羸無復人色荆棘成林豺狼滿道琨剪除荆棘

收葬枯骸造府朝建市獄寇盜互來掩襲常以城門爲戰場百姓負楯以耕屬韃而擣琨撫循勞徠甚得物情是時劉淵在離石相去三百里許琨密遣離間其部雜虜降者萬有餘落淵甚懼遂城蒲子而居之在官未暮流人稍復雞犬之音復相接矣琨父蕃自洛赴之人士奔逆者多歸於琨琨善於懷撫而短於控御一日之中雖歸者數千去者亦以相繼然素奢豪嗜聲色雖暫自矯勵而輒復縱逸河南徐潤者以音律自通遊於貴勢琨甚愛之署爲晉陽令潤恃寵驕恣干預琨政奮威護軍令狐盛性亢直數以此爲諫并勸琨除潤琨不納初單于倚寇以救東嬴公騰之功琨表其弟猗盧爲代郡公與劉希合衆於中山王浚以琨侵已之地數來擊琨琨不能抗由是聲實稍損徐潤又譖令狐盛於琨曰盛將勸公稱帝矣琨不之察便殺之琨母曰汝不能弘經略駕豪傑專欲除勝已以自安何以得濟如是禍必及我不從盛子泥奔于劉聰具言虛實聰大喜以泥爲鄉導屬上黨太守襲醇降于聰鴈門烏丸復反琨親率精兵禦之聰遣子粲及令狐泥乘虛襲晉陽太原太守高喬以郡降聰琨父母竝遇害琨引猗盧并力攻粲大敗之死者十五六琨乘勝追之更不能剋猗盧以爲聰未

可滅遺琨牛羊車馬而去畱其將箕澹段繁等戍晉陽  
琨志在復讎而屈於力弱泣血尸立撫慰傷痍移居陽  
邑城以招集亡散愍帝卽位拜大將軍都督并州諸軍  
事加散騎常侍假節琨上疏謝罪及麴允敗劉曜斬趙  
冉琨又表求滅聰勒以自效三年帝遣兼大鴻臚趙兼  
持節拜琨爲司空都督并冀幽三州諸軍事琨上表讓  
司空受都督剋期與猗盧討劉聰尋猗盧父子相圖盧  
及兄子根皆病死部落四散琨子遵先質於盧衆皆附  
之及是遵與箕澹等帥盧衆三萬人馬牛羊十萬悉來  
歸琨琨由是復振率數百騎自平城撫納之屬石勒攻  
樂平太守韓據請救於琨而琨自以士衆新合欲因其  
銳以威勒箕澹諫曰此雖晉人久在荒裔未習恩信難  
以法御今內收鮮卑之餘穀外鈔殘胡之牛羊且閉關  
守險務農息士旣服化感義然後用之則功可立也琨  
不從悉發其衆命澹領步騎二萬爲前驅琨自爲後繼  
勒先據險要設伏以擊澹大敗之一軍皆沒并士震駭  
尋又災旱琨窮蹙不能復守幽州刺史鮮卑段匹磾遣  
信要琨欲與同葬王室琨由是率衆赴之從飛狐入薊  
匹磾見之甚相崇重與琨結婚約爲兄弟是時西都不  
守元帝稱制江左琨乃令長史溫嶠勸進於是河朔征

鎮夷夏一百八十人連名上表語在元紀令書辨諭之  
建武元年琨與匹磾期討石勒匹磾推琨爲大都督歃  
血載書檄諸方守俱集襄國琨匹磾進屯固安以俟衆  
軍匹磾從弟末波納勒厚賂獨不進乃沮其計琨匹磾  
以勢弱而退是歲元帝轉琨爲侍中太尉其餘如故并  
贈名刀琨答曰謹當躬自執佩馘截二虜匹磾奔其兄  
喪琨遣世子羣送之而末波率衆要擊匹磾而敗走之  
羣爲末波所得末波厚禮之許以琨爲幽州刺史共結  
盟而襲匹磾密遣使齎羣書請琨爲內應而爲匹磾邏  
騎所得時琨別屯故征北府小城不之知也因來見匹  
通志

卷五十五

列傳三十八

三

碑匹磾以羣書示琨曰意亦不疑公是以白公耳琨曰  
與公同盟志繫王室仰憑威力庶雪家國之恥若兒書  
密達亦終不以一子之故負公而忘義也匹磾雅重琨  
初無害琨意將聽還屯其弟叔軍好學有智謀爲匹磾  
所信謂匹磾曰吾胡夷耳所以能服晉人者畏吾衆也  
今我骨肉構禍是其良圖之日若有奉琨以起吾族盡  
矣匹磾遂畱琨琨之庶長子遵懼誅與琨左長史楊橋  
并州治中如綏閉門自守匹磾諭之不得因縱兵攻之  
琨將龍季猛迫於乏食遂斬橋綏而降初琨之去晉陽  
也慮及危亡而大恥未雪亦知夷狄難以義服冀輸寫

至誠僥倖萬一每見將佐發言慷慨悲其道窮欲率部  
曲死於賊壘斯謀未畢竟爲匹磾所拘自知必死神色  
怡如也爲五言詩贈其別駕盧諶託意非常攄暢幽憤  
遠想張陳感鴻門白登之事用以激諶諶素無奇略以  
常詞酬和殊乖琨心重以詩贈之乃謂琨曰前篇帝王  
大志非人臣所言矣然琨旣忠於晉室素有重望被拘  
經月遠近憤歎匹磾所署代郡太守辟閭嵩與琨所署  
鴈門太守王據後將軍韓據連謀密作攻具欲以襲匹  
磾而韓據女爲匹磾兒妾聞其謀而告之匹磾於是執

王據辟閭嵩及其徒黨悉誅之會王敦密使匹磾殺琨

通志

卷三十五

列傳三十八

七

匹磾又懼衆反已遂稱有詔收琨初琨聞敦使至謂其  
子曰處仲使來而不我告是殺我也死生有命但恨讎  
恥不雪無以下見二親耳因歔歔不能自勝匹磾遂縊  
之年四十八子姪四人俱被害朝廷以匹磾尙疆當爲  
國討石勒不舉琨哀三年琨故從事中郎盧諶崔悅等  
上表理琨冤痛陳其本末求朝廷甄論尋而太子中庶  
子溫嶠又上疏訟之帝乃下詔褒錄下幽州依舊弔祭  
贈侍中太尉諡曰愍琨少負志氣有縱橫之才善交勝  
已而頗浮誇與范陽祖逖爲友聞逖被用與親故書曰  
吾枕戈待旦志梟逆虜常恐祖生先吾著鞭其意氣相

期如此在晉陽常爲胡騎所圍數重城中窘迫無計琨乃乘月登樓清嘯賊聞之皆淒然長歎中夜奏胡笳賊又流涕歔歔有懷土之切向曉復吹之爲四塞之聲賊竝棄圍而走子羣嗣羣字公度少拜廣武侯世子隨父在晉陽遭逢寇亂數領偏軍征討性清慎有裁斷得士類歡心及琨爲匹磾所害琨從事中郎盧諶等率餘衆奉羣依末波温嶠前後表稱姨弟劉羣內弟崔悅盧諶等皆在末波中翹首南望愚謂此等竝有文思於人之中少可愍惜如蒙錄召繼絕興亡則陛下更生之恩望古無二咸康二年成帝詔徵羣等爲末波兄弟愛其才

通志

卷之三十五

列傳三十八

五

託以道險不遣石虎滅遼西羣及諶悅同沒胡中石虎皆優禮之以羣爲中書令至冉閔敗後羣遇害時勒及石虎得公卿人士多殺之其見擢用終至大官者惟有河東裴憲渤海石璞滎陽鄭系潁川荀綽北地傅暢及羣悅諶等十餘人而已輿字慶孫少儁朗有才局與琨竝尚書郭奕之甥名著當時京師爲之語曰洛中奕奕慶孫越石辟宰府尚書郎兄弟素侮孫秀及趙王倫輔政秀執權竝免其官妹適倫世子琴琴與秀不協復以輿爲散騎侍郎齊王冏輔政以輿爲中書侍郎東海王越范陽王攄之舉兵也以輿爲潁川太守及河間王顥



檄劉喬討虢於許昌矯詔歸罪於輿募能殺輿兄弟送  
首者封三千戶縣侯賜絹五千匹虢之敗輿與之俱奔  
河北虢旣鎮鄴以輿爲征虜將軍魏郡太守虢薨東海  
王越將召之或曰輿猶膩也近則汗人及至越疑之輿  
密視天下兵簿及倉庫牛馬器械水陸之形皆默識之  
是時軍國多事每會議自潘滔以下莫知所對輿旣見  
越應機辯畫越傾膝酬接卽以爲左長史越旣總錄以  
輿爲上佐賓客滿筵文案盈几遠近書記日有數千終  
日不倦或以夜繼之皆人人歡暢莫不悅附命議如流  
酬對款備時人服其能比之陳遵時稱越府有三才潘

通志

卷五十五

列傳三十八

完

滔大才劉輿長才裴逸清才越誅繆播王延等皆輿謀  
也延愛妾荆氏有音技延尙未殮輿便娉之未及迎又  
爲太傅從事中郎王儁所爭奪御史中丞傅宣劾奏越  
不問輿而免儁官輿乃說越遣琨鎮并州爲越北面之  
重洛陽未敗病指疽卒時年四十七追贈驃騎將軍先  
有功封定襄侯諡曰貞子演嗣演字始仁初辟太尉掾  
除尙書郎以父憂去職服闋襲爵太傅東海王越引爲  
主簿遷太子中庶子出爲陽平太守自洛奔琨琨以爲  
輔國將軍魏郡太守琨將討石勒以演領勇士千人行  
北中郎將兗州刺史鎮廩邱演斬王桑走趙固得衆七

千人爲石勒所攻演距戰勒退元帝拜爲都督後將軍  
假節後爲石虎所圍求救於邵續段鴛鴦騎救之石虎  
走隨鴛屯獸次被害弟允爲琨領兵路逢烏桓賊戰沒  
允弟挹初爲太傅東海王越掾與琨俱被害挹弟啓啓  
弟述與琨子羣俱在末波中後並入石虎啓爲虎尙書  
僕射後歸國穆帝拜爲前將軍加給事中永和九年隨  
中軍將軍殷浩北伐爲姚襄所敗啓戰沒述爲石虎侍  
中隨啓歸國拜驃騎將軍

祖述字士稚范陽道人世吏二千石爲北州舊姓父  
武晉王掾上谷太守述少孤兄弟六人兄該納等並開

通志

卷一百一十五

列傳三十八

四

爽有才幹述姓豁蕩不修儀檢年十四五猶未知書諸  
兄每憂之然然輕財俠慷慨有節尙每至田舍輒稱兄  
意散穀帛以賑貧乏以是鄉黨親族重之後乃博覽書  
記該涉古今往來京師見者謂述有贊世才具僑居陽  
平年二十四陽平辟察孝廉司隸再辟舉秀才皆不行  
與司空劉琨俱爲司州主簿情好綢繆共被同寢中夜  
聞荒雞鳴蹴琨覺曰此非惡聲也因起舞述琨并有英  
氣每語世事或中宵起坐相謂曰若四海鼎沸豪傑並  
起吾與足下當相避於中原耳辟齊王冏大司馬掾長  
沙王又驃騎祭酒轉主簿累遷太子中舍人豫章王從

事中郎從惠帝北伐王師敗績於蕩陰遂退還洛大駕西幸長安關東諸侯范陽王瓌高密王略平昌公模等競召之皆不就東海王越以逃爲典兵參軍濟陰太守母喪不之官及京師大亂逃帥親黨數百家避地淮泗以所乘車馬載同行老疾躬自徒步藥物衣糧與衆共之又多權略是以少長咸宗之推逃爲行主達泗口元帝逆用爲徐州刺史尋徵爲軍諮祭酒居丹徒之京口逃以社稷傾覆常懷振復之志賓客義徒皆暴桀勇士逃遇之如子弟時揚土大饑此輩多爲盜竊攻剽富室逃撫慰問之曰比復南塘一出不或爲吏所繩逃輒擁

通志

卷五十五

列傳三十八

聖

護救解之談者以此少逃然逃自若也時帝方拓定江南未遑北伐逃進說曰晉室之亂非上無道而下怨叛也由藩王爭權自相誅滅遂使戎狄乘隙毒流中原今遺黎旣被殘酷人有奮擊之志大王誠能發威命將使若逃者爲之統主則郡國豪傑必應風嚮赴沈溺之士欣於來蘇庶幾國恥可雪願大王圖之帝乃以逃爲奮威將軍豫州刺史給千人廩布三千疋不給鎧杖使自招募仍將本流徙部曲百餘家渡江中流擊楫而誓曰祖逃不能清中原而復濟者有如大江辭色壯烈衆皆慨歎屯于淮陰起冶鑄兵器得二千餘人而後進初北

中郎將劉演距于石勒也流人隴主張平樊雅等在譙  
演署平爲豫州刺史雅爲譙郡太守又有董瞻于武謝  
浮等十餘部衆各數百皆統屬平逃誘浮使取平浮譎  
與平會遂斬以獻逃帝嘉逃勳使運糧給之而道遠不  
至軍中大饑進據太邱樊雅遣衆夜襲逃遂入壘拔戟  
大呼直趣逃幕軍士大亂逃命左右距之督護董昭與  
賊戰走之逃率衆追討而張平餘衆助雅攻逃蓬陂隴  
主陳川自號寧朔將軍陳留太守逃遣使求救有川川  
遣將李頭率衆援之逃遂剋譙城初樊雅之據譙也逃  
以力弱求助於南中郎將王含含遣桓宜領兵助逃逃

通志

卷五十五

列傳三十八

聖

旣剋譙宜等乃去石虎聞而引衆圍譙含又遣宜救逃  
石虎聞宜至而退宜遂留助逃討諸屯隴未附者李頭  
之討樊雅也力戰有勳逃時獲雅駿馬頭甚欲之而不  
敢言逃知其意遂與之頭感逃恩遇每歎曰若得此人  
爲主吾死無恨川聞而怒遂殺頭頭親黨馮寵率其屬  
四百人歸于逃川益怒遣將魏碩掠豫州諸郡大獲子  
女車馬逃遣將軍衛策邀擊於谷水盡獲所掠者皆令  
歸本軍無私焉川大懼遂以衆附石勒逃率衆伐川石  
虎領兵五萬救川逃設奇以擊之虎大敗收兵掠豫州  
徙陳川歸襄國雷桃豹等守川故城住西臺逃遣將韓

潛等鎮東臺同一大城賊從南門出入放牧逃軍開東門相守四旬逃以布囊盛土如米狀使千餘人運上臺又令數人擔米偽爲疲極而息於道賊果逐之皆葉擔而走賊旣獲米謂逃士衆豐飽而胡戍饑久益懼無復膽氣石勒將劉夜堂以驢千頭運糧以饋桃豹逃遣韓潛馮鐵等追擊於汴水盡獲之桃豹宵遁退據東燕城逃使潛進屯封邱以逼之馮鐵據二臺逃據雍邱數遣軍要截石勒勒屯戍漸蹙候騎嘗獲濮陽人逃厚待遣歸咸感逃恩德率鄉里五百家降逃勒又遣精騎萬人距逃復爲逃所破勒鎮戍歸附者甚多時趙固上官已

通志

卷宿五

列傳三十八

聖

李矩郭默等各以詐力相攻擊逃馳使和解之示以禍福遂受逃節度逃愛人下士雖踈交賤隸皆恩禮遇之由是黃河以南盡爲晉土河上堡固先有任子在胡者皆聽兩屬時遣游軍僞鈔之明其未附諸隲主感戴胡中有異謀輒密以聞前後剋獲皆由此也其有微功賞不逾日躬自儉約勸督農桑剋已務施不畜資產子弟耕耘負擔樵薪又收葬枯骨爲之祭醮百姓感悅嘗致酒大會耆老中坐流涕曰吾等老矣更得父母死將何恨乃歌曰幸哉遺黎免俘虜三辰旣朗遇慈父元酒忘勞甘瓠脯何以詠恩歌且舞其得人心如此故劉琨與

親故書盛贊逃威德詔進逃爲鎮西將軍石勒不敢窺  
兵河南使成臯縣修逃母墓因與逃書求通使交市逃  
不報書而聽互市收利十倍於是公私豐贍士馬日滋  
方當推鋒越河掃清冀朔會朝廷將遣載若思爲都督  
逃以若思吳人雖有才望無宏致遠識且已翦荆棘收  
河南地而若思雍容一旦來統之意甚怏怏且聞王敦  
與劉隗等構隙慮有內難大功不遂感激發病乃置妻  
孥汝南大木山下時中原士庶咸謂逃當進據虎牢而  
反置家險阨或諫之不聽逃雖內懷憂憤而圖進取不  
輟營繕虎牢城城北臨黃河西接成臯四望甚遠逃恐

通志

卷之三

列傳三十八

四

南無堅壘必爲賊所襲乃使從子汝南太守濟率汝陽  
太守張敞新蔡內史周閔率衆築壘未成而逃病甚先  
是華譚庾闡間術人戴洋洋曰祖豫州九月當死初有  
妖星見于豫州之分歷陽陳訓又謂人曰今年西北大  
將當死逃亦見星曰爲我矣方乎河北而天欲殺我此  
乃不祐國也俄卒于雍邱年五十六豫州士女若喪考  
妣譙梁百姓爲之立祠冊贈車騎將軍王敦久懷逆亂  
畏逃不敢發至是始得肆意焉尋以逃弟約代領其衆  
約別有傳逃兄納字士言最操有行能清言文義可觀  
性至孝少孤貧常自炊爨以養母平北將軍王敦聞之

遺其一婢辟爲從事中郎有戲之曰奴價倍婢納曰百里奚何必輕於五羖皮邪轉尙書三公郎累遷太子中庶子歷官多所駿正有補於時齊王冏建義趙王倫收冏弟北海王實及前黃門郎弘農董祚弟艾與冏俱起皆將害焉納上疏救之竝見宥後爲中護軍太子詹事封晉昌公以洛下將亂乃避地東南元帝作相引爲軍諮祭酒納好奕碁王隱謂之曰禹惜寸陰不聞數碁對曰我以忘憂耳隱曰蓋聞古人遭逢則以功達其道若其不遇則以言達其道古必有之今亦宜然當今晉未有書而天下大亂舊事蕩滅君少長五都遊宦四方華

通志

卷一百五

列傳三十八

望

裔成敗皆當聞見何不記述而有裁成況國史明乎得失之跡俱取散愁此可兼濟何必圍碁然後忘憂也納深然之語在隱傳納於是言之於帝曰自古小國猶有史官況於大府安可不置因舉隱清純亮直學思沈敏五經羣史多所綜悉且好學不倦從善如流若使修著一代之典褒貶與奪誠一時之雋也帝以問記室參軍鍾雅雅曰納所舉雖有史才而今未能立也事遂停然史官之立自納始也初弟約與述同母偏相親愛納與約異母頗有不平乃密以啓帝稱約懷陵上之性抑而使之可也今顯侍左右假其權勢將爲亂階人謂納與

約異母忌其寵貴乃露其表以示約約憎納如讎朝廷因此棄納納既閒居但清談披文史而已及約爲逆朝野歎納有鑑裁焉溫嶠以納州里父黨敬而拜之嶠旣爲時用盛稱納有名理除光祿大夫納嘗問梅陶君鄉里立月旦評何如陶曰善褒惡貶則佳法也納曰未益時王隱在坐因曰尚書稱三載考績三考黜陟幽明何得一月便行褒貶陶曰此官法也月旦私法也隱曰易云積善之家必餘慶積不善之家必餘殃稱家者豈不是官必須積久善惡乃著公私何異古人有言貞

良而亡先人之殃酷烈而存先人之勳累世乃著豈但

通志

卷之三十五

列傳三十八

吳

一月若必月旦則顏回食埃不免貪汙盜跖引少則爲清廉朝種暮穫善惡未定矣時梅陶及鍾雅數說餘事納輒困之因曰君汝穎之士利如錐我幽冀之士鈍如槌持我鈍槌捶君利錐皆當摧矣陶雅竝稱有神錐不可得槌納曰假有神錐必有神槌雅無以對後卒於家邵續字嗣祖魏郡安陽人也父乘散騎侍郎續朴素有志烈博覽經史善談理義妙解天文初爲成都王穎參軍穎將討長沙王又續諫曰兄弟如左右手今明公當天下之敵而欲去一手乎續切惑之穎不納後爲苟晞參軍除沁水令時天下漸亂續去縣還家糾合亡命得



數百人王浚假續綏集將軍樂陵太守屯馱次以續子  
又爲督護續綏懷流散多歸附之石勒旣破浚遣又還  
招續續以孤危無援權附於勒勒亦以又爲督護旣而  
段匹磾在薊遣書要續俱歸元帝續從之其下諫曰今  
棄勒歸匹磾任子危矣續垂泣曰我出身爲國豈得顧  
子而爲叛臣哉遂絕於勒勒乃害又續懼勒攻先求救  
於匹磾匹磾遣弟文鴛救續文鴛未至勒已率八千騎  
圍續勒素畏鮮卑及聞文鴛至乃棄攻具東走續與文  
鴛追勒至安陵不及虜勒所署官并驅三千餘家又遣  
騎入鈔勒北邊略常山亦二千家而還匹磾旣殺劉琨

通志

卷一百五

列傳三十八

四

夷晉多怨叛遂率其徒依續勒南和令趙領等率廣川  
渤海千餘家背勒歸續而帝以續爲平原樂安太守右  
將軍冀州刺史進平北將軍假節封祝阿子續遣兄子  
武邑內史存與文鴛率匹磾衆就食平原爲石虎所破  
續先與曹嶷亟相侵掠嶷因存等敗乃破續屯田又鈔  
其戶口續首尾相救疲於奔命太興初續遣存及文鴛  
屯濟南黃巾固因以逼嶷嶷懼求和俄而匹磾率衆攻  
段末杯石勒知續孤危遣石虎乘虛圍續石虎騎至城  
下掠其居人續率衆出救虎伏騎斷其後遂爲虎所獲  
使續降其城續呼其兄子竺等曰吾志雪國難以報所

受不幸至此汝等努力自勉便奉匹磾爲主勿有二心  
時帝既聞續沒又知其部曲文武已共推續息緝爲營  
主詔卽以續本位授緝使總率所統石虎使送續於勒  
勒使徐光讓之曰國家應符撥亂入表宅心遺晉怖威  
遠竄揚越而續蟻封海阿跋扈王命以夷狄不足爲君  
邪何無上之甚也國有常刑於分甘乎續對曰晉末饑  
亂奔控無所保合鄉宗庶全老幼屬大王龍飛之始委  
命納質精誠無感不蒙慈恕言歸遺晉仍荷寵授誓盡  
忠節實無二心且受彼厚榮而復二三其趣者恐亦不  
容于明朝矣周文生于東夷大禹出自西羌帝王之興

通志

卷三十五

列傳三十八

聖

蓋惟天命所屬德之所招當何常邪伏惟大王聖武自  
天道隆虞夏凡在含生莫不延首神化恥隔皇風而況  
囚乎使去眞卽僞不得早叩天門者大王負囚囚不負  
大王也釁鼓之刑囚之常分但恨天實爲之謂之何哉  
勒曰其言慨至孤媿之多矣夫忠于其君者乃吾所求  
也命張賓延之于館厚撫之尋以爲從事中郎令自後  
諸剋敵擒俊皆送之不得輒害冀獲如續之流石虎之  
攻續也朝廷有王敦之逼不遑救卹續旣爲勒所執身  
灌園鬻菜以供衣食勒屢遣察之歎曰此眞高人不  
如此今足貴乎嘉其清苦數賜穀帛每臨朝嗟歎以勵

羣臣續被獲之後存及竺緝等與匹磾嬰城距寇而帝又假存揚武將軍武邑太守勒屢遣虎攻之戰守疲苦不能自立久之匹磾及其弟文鴛與竺緝等悉見獲惟存得潰圍南奔在道爲賊所殺續竟亦遇害

李矩字世廻平陽人也童齒時與羣兒聚戲便爲其率計畫指授有成人之量及長爲吏送故縣令於長安征西將軍梁王彤以爲牙門伐氐齊萬年有殊功封東明亭侯還爲本郡督護太守宋胄欲以所親吳畿代之矩謝病去畿恐矩復還陰使人刺矩會有人救之故得免屬劉淵攻平陽百姓奔走矩素爲鄉人所愛乃推爲鵠

通志

卷三十五

列傳三十八

四

主東屯滎陽復移新鄭矩勇毅多權略志在立功東海王越以爲汝陰太守永嘉初使矩與汝南太守袁孚率衆修洛陽千金鵠以利運漕及洛陽不守太尉荀藩奔陽城衛將軍華薈奔成臯時大饑賊帥侯都等每略人而食之藩薈部曲多爲所啖矩討都等滅之乃營護藩薈各爲立屋宇輸穀以給之及藩承制建行臺假矩滎陽太守矩招懷離散而遠近多附之石勒親率大衆襲矩矩遣老弱入山令所在散牛馬因設伏以待之賊爭取牛馬伏發齊呼聲動山谷遂大破之斬獲甚衆勒乃退藩表元帝加矩冠軍將軍軺車幢蓋進封陽武縣侯

領河東平陽太守時饑饉相仍又多疫癘矩垂心撫卹百姓賴焉會長安羣賊東下所在多虜掠矩遣部將擊破之書得賊所掠婦女千餘人諸將以非矩所部欲遂留之矩曰俱是國家臣妾焉有彼此乃一時遣之時劉琨郭誦迎致之而不敢進會劉琨遣參軍張肇率鮮卑范勝等五百餘騎往長安屬默被圍道路不通將還依邵續行至矩營矩謂肇曰默是劉公所授公家之事知無不爲屠各舊畏鮮卑遂邀肇爲聲援肇許之賊望見鮮卑不戰而走誦潛遣輕舟濟河使勇士夜襲懷城掩賊留營又大破之默遂率其屬歸矩後劉聰遣其從弟暢步騎三萬討矩屯于韓王故壘相去七里遣使招矩時暢卒至矩未暇爲備遣人奉牛馬詐降于暢潛匿精勇見其老弱暢不以爲虞大亨渠帥人皆醉飽矩謀夜襲之兵士以賊衆皆有懼色矩令郭誦禱鄭子產祠曰君昔相鄭惡鳥不鳴凶胡臭羯何得過庭使巫揚言東里有敎當遣神兵相助將士聞之皆踊躍矩乃使誦及督護楊璋等選勇敢千人夜掩暢營獲鎧馬甚多斬首數千級暢僅以身免先是郭默聞矩被攻遣弟芝率衆援之旣而聞破暢芝復馳來赴矩矩乃與芝馬五百匹

分軍爲三道夜追賊復大獲而旋先是聰使其將趙固鎮洛陽長史周振與固不協密陳固罪矩之破暢也帳中得聰書敕暢平矩訖過洛陽收固斬之便以振代固矩送書以示固固卽斬振父子遂率千騎來降矩還令守洛陽後數日聰遣其太子粲率劉雅生等步騎十萬屯孟津北岸分遣雅生攻趙固於洛固奔陽城山遣弟告急矩遣郭誦屯洛口以救之誦使將張皮簡精卒千人夜渡河粲候者告有兵至粲恃其衆不以爲虞旣而誦等奄至十道俱攻粲衆驚擾一時奔潰殺傷太半因據其營獲其軍資器械不可勝數及旦粲見皮等人少更與雅生悉餘衆攻之苦戰二十餘日不能下矩進救之使壯士三千汎舟迎皮賊臨河列陣作長鉤以鉤船連戰數日不得渡而矩夜遣部將格增潛濟入皮壘與皮選精騎千餘而殺所獲牛馬焚燒器械夜突圍而出奔虎牢聰追之不及而退聰因憤恚發病而死帝嘉其功拜矩都督河南三郡軍事安西將軍滎陽太守封修武縣侯及劉粲嗣位昏虐日甚其將斬準乃起兵殺粲并其宗族發聰冢斬其尸遣使歸矩稱劉淵屠各小醜因大晉事故之際作亂幽并矯稱天命至今二帝幽沒虜庭輒率衆扶侍梓宮因請上聞矩馳表于帝帝遣太

通志

卷宿三五

列傳二十八

五

常韓允等奉迎梓宮未至而準已爲石勒劉曜所沒矩以衆少不足立功每慷慨憤歎及帝踐阼以爲都督司州諸軍事司州刺史改封平陽縣侯將軍如故時弘農太守尹安振威將軍宋始等四軍竝屯洛陽各相疑阻莫有固志矩默各遣千騎至洛以鎮之安等乃同謀告石勒勒遣石生率騎五千至洛陽矩默軍皆退還俄而四將復背勒遣使乞迎默又遣步卒五百人入洛石生以四將相謀不能自安乃虜宋始一軍渡河而南百姓相率歸矩於是洛中遂空矩乃表郭誦爲揚武將軍陽翟令阻水築壘且耕且守爲滅賊之計屬趙固死石生遣騎襲誦誦多計略賊至輒設伏破之虜掠無所得生怒又自率四千餘騎暴掠諸縣因攻誦壘接戰須臾退軍堦阪誦率勁勇五百追及生於磐脂故亭又大破之矩以誦功多表加赤幢曲蓋封吉陽亭侯郭默欲侵祖約矩禁之不可遂爲約所破石勒又遣其養子念襲默默懼後患未已將降於劉曜遣參軍鄭雄詣矩謀之矩拒而不許後勒遣其將石良率精兵五千襲矩逆擊不利郭誦弟元復爲賊所執賊遣元以書說矩曰去年東平曹嶷西賓猗盧矩如牛角何不歸命矩以示誦誦曰昔王陵母在賊猶不改意弟當何論勒復遣誦塵尾

馬鞭以示殷勤誦不答勒將石生屯洛陽大掠河南矩  
默大饑默因復說矩降曜矩既爲石良所破遂從默計  
遣使於曜曜遣從弟岳軍于河陰欲與矩謀攻石生勒  
使將圍岳岳閉門不敢出默後爲石忿所敗自密南奔  
建康矩聞之大怒遣其將郭誦等齎書與默又敕誦曰  
汝識脣亡之談不迎接郭默皆由於卿臨難逃走其必  
留之誦追及襄城默自知負矩棄妻子而遜誦擁其餘  
衆而歸矩待其妻子如初劉岳以其外救不至降于石  
虎矩所統將士有陰謀欲歸勒者矩知之而不能討乃  
率衆南走將歸朝廷衆皆道亡唯郭誦及參軍郭方功

通志

卷之三十五

列傳三十八

五

曹張景主簿荀遠將軍騫韜江霸梁志司馬尙季弘李  
瓌段秀等百餘人棄家送矩至於魯陽縣矩墜馬卒葬  
襄陽之峴山

段匹磾東部鮮卑人也種類勁健世爲大人父務勿塵  
遣軍助東海王越有功王浚表爲親晉王封遼西公嫁  
女與務勿塵以結鄰援懷帝卽位以務勿塵爲大單于  
匹磾爲左賢王率衆助國征討假撫軍大將軍務勿塵  
死弟涉復辰以務勿塵子疾陸眷襲號劉曜逼洛陽王  
浚遣督護王昌等率疾陸眷及弟文鴛從弟末杯攻石  
勒於襄國勒敗還壘末杯追入壘門爲勒所獲勒質末

杯遣使求和於疾陸眷疾陸眷將許之文鴛諫曰受命討勒寧以末杯一人故縱成禽之寇旣失浚意且有後憂必不可許疾陸眷不聽以鎧馬二百五十匹金銀各一籠贖末杯勒歸之又厚以金寶綵絹報疾陸眷疾陸眷令文鴛與石虎同盟約爲兄弟遂引騎還昌等不能獨守亦還建武初匹磾摧劉琨爲盟主討石勒并檄涉復辰疾陸眷末杯等三面俱集襄國琨匹磾進屯固安以俟衆軍勒懼遣間使厚賂末杯然末杯思報其舊恩且因匹磾在外欲襲奪其國乃間匹磾於涉復辰疾陸眷曰以父兄而從子弟邪雖一旦有功匹磾獨收之矣涉復辰等以爲然引軍而還匹磾亦止會疾陸眷病死匹磾自薊奔喪至右北平末杯宣言匹磾將篡出軍擊敗之末杯遂害涉復辰及其子弟黨與二百餘人自立爲單于及王浚敗匹磾領幽州刺史劉琨自并州往依之復與匹磾結盟俱討石勒匹磾復爲末杯所敗士衆離散懼琨圖已遂害之於是晉人離散矣匹磾不能自固北依邵續末杯又攻敗之匹磾被創謂續曰吾夷狄慕義以至破家君若不忘舊要與吾追討君之惠也續曰賴公威德續得效節今公有難豈得不俱遂并力追末杯斬獲略盡又令文鴛北討末杯弟於薊城及還去

通志

卷三十五

列傳三十八

五



城八十里聞續已沒衆懼而散復爲石虎所遮文鴛以親兵數百人力戰破之始得入城虎復鈔城下文鴛登城臨見欲出擊之匹磾不許文鴛曰我以勇聞故百姓杖我見人被略而不救非丈夫也令衆失望誰復爲我致死乎遂將壯士數十騎出戰殺胡甚多遇馬乏伏不能起虎呼曰大兄我與俱是戎狄久望共同天不違願今日相見何故復戰請釋杖文鴛罵曰汝爲寇虐久應合死吾兄不用吾計故令汝得至此吾寧死不爲汝禽遂下馬苦戰稍折用刀力戰不已石虎軍四面解馬羅披自鄣前捉文鴛文鴛戰自辰至申力極而後被執城

通志

卷一百一十五

列傳三十八

五

內大懼匹磾欲單騎歸朝續弟樂安內史洎勒兵不許洎復欲執臺使王英送於石虎匹磾正色責之曰卿不能遵兄之志逼吾不得歸朝亦已甚矣復欲執天子使者我雖胡夷所未聞也因謂英曰匹磾世受重恩不忘忠孝今日事逼欲歸罪朝廷而見逼迫忠款不遂若得假息未死之日心不忘本遂渡黃河南匹磾著朝服持節賓從出見石虎曰我受國恩志在滅汝不幸吾國自亂以至於此旣不能死又不能爲汝敬也勒及石虎素與匹磾約爲兄弟故虎起而拜之及到襄國又不爲勒禮常著朝服持晉節經年國中謀推匹磾爲主事露被

害文鴛亦遇醜而死惟末波在焉及死弟牙立牙死其  
後從祖就陸眷之孫遼立自務勿塵已後值晉喪亂自  
稱位號據有遼西之地而臣御晉人其地西盡幽州東  
界遼水然所統胡晉可三萬餘家控弦可四五萬騎而  
與石虎遞相侵掠連兵不息竟爲虎所破徙其遺黎數  
萬家於司雍之地其子蘭復聚兵與石虎爲患久之及  
石氏之亡末波之子勤鳩集胡羯得萬餘人保在入山  
自稱趙王附于慕容儁俄爲冉閔所敗徙于繹幕僭卽  
尊號儁遣慕容恪擊之勤懼而降

魏浚東郡東阿人也寓居關中初爲雍州小史河閒王

通志

卷五十五

列傳三十八

美

顓敗亂之際以爲武威將軍後爲度支校尉有幹用永  
嘉末與流人數百家東保河陰之硤石時京邑荒歉浚  
劫掠得穀麥獻之懷帝帝以爲揚威將軍平陽太守度  
支如故以亂不之官及洛陽陷屯于洛北石梁鴻撫養  
遺衆漸修軍器其附賊者皆先解喻說大晉運數靈長  
行已建立歸之者甚衆其有恃遠不從命者遣將討之  
服從而已不加侵暴於是遠近感悅襁負至者漸衆劉  
琨承制假浚河南尹時太尉荀藩建行臺在密縣浚詣  
藩諮謀軍事藩甚悅要李矩同會矩將夜赴之官屬諫  
以浚不可信不宜夜往矩曰忠臣同心將何疑乎及會

客主盡歡浚因與矩相結而去劉曜忌浚得衆率衆軍圍之劉演郭默遣軍來救曜分兵逆於河北及伏兵深隱處以邀演默軍大破之盡虜演等騎浚夜遁走爲曜所得遂死之追贈平西將軍族子該領其衆該一名亥本僑居京兆陰磐河間王顥之伐趙王倫以該爲將兵都尉及劉曜攻洛陽隨浚赴難先領兵屯金墉城故得無他曜引去餘衆依之時杜預子尹爲弘農太守屯宜陽界一泉鵠數爲諸賊所鈔掠尹要該共距之該遣其將馬瞻將三百人赴尹瞻知其無備夜襲尹殺之迎該據鵠鵠人震懼並服從之乃與李矩郭默相結以距賊

通志

卷五十五

列傳三十八

五

荀藩卽以該爲武威將軍統城西雍涼人使討劉曜元帝承制加冠軍將軍河東太守督護河東河南平陽三郡曜嘗攻李矩該破之及矩將迎郭默該遣軍助之又與河南尹任愔相連結後漸饑弊曜寇日至欲率衆南徙衆不從該遂單騎走至南陽帝又以爲前鋒都督平北將軍雍州刺史馬瞻率該餘衆降曜曜徵發旣苦瞻又驕虐部曲遣使呼該該密往赴之其衆殺瞻而納該該遷於新野率衆助周訪討平杜曾詔以該爲順陽太守王敦之反也梁州刺史甘卓不從欲觀該去就試以敦旨動之該曰我本去賊惟忠於國今王公舉兵向天

子非吾所宜與也遂距而不應及蘇峻反率衆救臺軍  
次石頭受陶侃節度峻未平該病篤還屯卒於道葬于  
武陵從子雄統其衆

郭默河內懷人也少微賤以壯勇事太守裴整爲督將  
永嘉之亂默率遺衆自爲隰主以漁舟鈔東歸行旅積  
年遂致巨富流人依附者漸衆撫循將士甚得其歡心  
默婦兄同郡陸嘉取官米數石餉妹默以爲違制將殺  
嘉嘉懼奔石勒默乃自射殺婦以明無私遣使謁劉琨  
琨加默河內太守劉淵遣從子曜討默曜列三屯圍之  
欲使餓死默送妻子爲質并請糴焉糴畢設守曜怒沈

通志

卷佰三

列傳三十八

五

默妻子于河而攻之默遣弟芝求救於劉琨琨知默狡  
猾留之而緩其救默更遣人告急會芝出城浴馬使彊  
與歸默乃遣芝質於石勒勒以默多詐封默書與劉曜  
默使人伺得勒書便突圍投李矩後與矩并力距劉石  
事見矩傳太興初除潁川太守默與石忿戰敗矩轉蹙  
弱默深憂懼解印授其參軍殷嶠謂之曰李使君遇吾  
甚厚今遂棄去無顏謝之三日可白吾去也乃奔陽翟  
矩聞之大怒遣其將郭誦追默至襄城及之默棄家人  
單馬馳去默至京都明帝授征虜將軍劉遐卒以默爲  
北中郎將監淮北軍事假節遐故部曲李龍等謀反詔

默與右衛將軍趙允討平之朝廷將徵蘇峻懼其爲亂召默拜後將軍領屯騎校尉初戰有功及六軍敗績南奔郗鑑議於曲阿北大業里作壘以分賊勢使默守之峻遣尋晃等攻默甚急壘中頗乏水默懼分人馬出外乃潛從南門盪出畱人堅守會峻死圍解徵爲右軍將軍默樂爲邊將不願宿衛及赴召謂平南將軍劉允曰我能禦胡而不見用右軍主禁兵若疆場有虞被使出征方始配給將卒無素恩信不著以此臨敵少有不敗矣時當爲官擇才若人臣自擇官安得不亂乎允曰所論事雖然非小人所及也當發求資於允時允被詔免

通志

卷宿五

列傳三十八

堯

官不卽歸罪方自申理而驕侈更甚遠近怪之初默之被徵距蘇峻也下次尋陽見允允參佐張滿等輕默俛露視之默常切齒至是允臘日餉默酒一器肫一頭默對信投之水中忿憤益甚又僞人蓋肫先略取祖煥所殺孔焯女爲妻焯家求之張滿等使還其家肫不與因與允滿有隙至是肫謂默曰劉江州不受免密有異圖與張史司馬長滿荀楷等日夜計謀反逆已形惟忌郭侯一人云當先除郭侯而後起事禍將至矣且深備之默旣懷恨便率其徒候旦門開襲允允將吏欲距默默响之曰我被詔有所討動者誅及三族遂入至內寢允

尙與妾臥默牽下斬之出取允僚佐張滿荀楷等誣以大逆傳允首于京師詐作詔書宣視內外掠允女及諸妾并金寶還船初云下都俄而遂停允故府招桓宣王愆期愆期懼逼勸默爲平南江州默從之愆期因逃廬山桓宣固守不應司徒王導懼不可制乃大赦天下臬允首於大航以默爲西中郎將豫州刺史武昌太守鄧嶽馳白太尉陶侃侃聞之投袂起曰此必詐也卽日率衆討默上疏陳默罪惡導聞之乃收允首詔庾亮助侃討默默欲南據豫章而侃已至城下築土山以臨之諸軍大集團之數重侃惜默驍勇欲活之遣郭誦見默默許降而默將張丑宋侯等恐爲侃所殺故致進退不時得出攻之轉急宋侯遂縛默求降卽斬于軍門同黨死者四十人傳首京師

王導字茂弘光祿大夫覽之孫也父裁鎮軍司馬少有風鑑識量清遠年十四陳畱高士張公見而奇之謂其從兄敦曰此兒容貌志氣將相之器也初襲祖爵卽卮子司空劉實引爲東閣祭酒遷祕書郎太子舍人尙書郎竝不行後參東海王越軍事時元帝爲琅邪王與導素相親善導知天下已亂遂傾心推奉潛有興復之志帝亦雅相器重契同友執帝之在洛陽也導每勸令之

國會帝出鎮下邳請導爲安東司馬軍謀密策知無不爲及徙鎮建康吳人不附居月餘士庶莫有至者導患之會敦來朝導謂之曰琅邪王仁德雖厚而名論猶輕兄威風已振宜有以匡濟者會三月上巳帝親觀禊乘肩輿具威儀敦導及諸名勝皆騎從吳人紀瞻顧榮皆江南之望竊覘之見其如此咸驚懼乃相率拜於道左導因進計曰古之王者莫不賓禮故老存問風俗虛已傾心以招俊乂況天下喪亂九州分裂大業草創急於得人者乎顧榮賀循此土之望未若引之以結人心二子旣至則無不來矣帝乃使導躬造循榮二人皆應命

通志

卷五十五

列傳三十八

空

而至由是吳會風靡百姓歸心自此之後漸相崇奉君臣之禮始定俄而洛京傾覆中州士女避亂江左者十六七導勸帝收其賢人君子與之圖事時荆揚晏安戶口殷實導爲政務在清靜每勸帝剋己勵節匡主寧邦於是尤見委杖情好日隆朝野傾心號爲仲父帝嘗從容謂導曰卿吾之蕭何也對曰大王方立命世之勳一匡九合管仲樂毅於是乎在豈區區國臣所以擬議願深弘神慮廣擇良能顧榮賀循紀瞻周玕皆南土之秀願盡優禮則天下安矣帝納焉永嘉末遷丹陽太守加輔國將軍時官制混雜臨郡者不問賢愚豪賤皆加重

號輒有鼓蓋導上箋以爲紊亂彝典謹送鼓蓋加崇之物請從導始帝下令嘉其冲退拜寧遠將軍尋加振威將軍愍帝卽位徵吏部郎不拜晉國旣建以導爲丞相軍諮祭酒桓彝初過江見朝廷微弱謂周顛曰我以中州多故來此欲求全活而寡弱如此將何以濟憂懼不樂及往見導極談世事謂顛曰向見管夷吾無復憂矣過江人士每至暇日相要出新亭飲宴周顛中坐而歎曰風景不舉殊目有江河之異皆相視流涕惟導愀然變色曰當共勦力王室剋復神州何至作楚囚對泣邪衆收淚而謝之俄拜右將軍揚州刺史監江南諸軍事

通志

卷之三

列傳二十八

空

遷驃騎將軍加散騎常侍都督中外諸軍事領中書監錄尚書事假節刺史如故導以敦統六州固辭中外都督後坐事除節于時軍旅不息學校未修導上書請建立庠序興復道教釋朝臣之子弟竝入于學選明博修禮之士而爲之師以爲中興風化之本帝甚納之及帝登尊號百官陪列命導升御牀共坐導固辭至于三四曰若太陽下同萬物蒼生何由仰照帝乃止進驃騎大將軍儀同三司以討華軼功封武岡侯進位侍中司空假節錄尚書領中書監會太山太守徐龕反帝訪可以鎮撫河南者導舉太子左衛率羊鑑旣而鑑敗抵罪導



上疏乞自貶黜詔不許尋代賀循領太子太傅時中興  
草創未置史官導始啓立於是典籍頗具時孝懷太子  
爲胡所害始奉諱有司奏天子三朝舉哀羣臣一哭而  
已導以爲皇太子副貳宸極普天有情宜同三朝之哀  
從之及劉隗用事導漸見疏遠任眞推分澹如也有識  
咸稱導善處廢焉王敦之反也劉隗勸帝悉誅王氏  
論者爲之寒心導率羣從昆弟子姪二十餘人每旦詣  
臺待罪帝以導忠節有素特還朝服召見之導稽首謝  
曰逆臣賊子何世無之豈意今者近出臣族帝跣而執  
之曰茂弘方託百里之命於卿是何言邪乃詔曰導以  
大義滅親可以吾爲安東時節假之及敦得志加導守  
尙書令初西都覆沒海內思主羣臣及四方竝勸進於  
帝時王氏彊盛有專天下之心敦憚帝賢明欲更議所  
立導固爭乃止及此役也敦謂導曰不從吾言幾致覆  
族導猶執正義敦無以能奪自漢魏以來賜諡多由封  
爵雖位通德重先無爵者例不加諡導乃上疏言武官  
有爵必諡卿校常伯無爵不諡甚失制度之本意也從  
之自後公卿無爵而諡導所議也初帝愛琅邪王哀將  
改革帝猶疑之導日夕陳諫故太子卒定及明帝卽位

導受遺詔輔政解揚州遷司徒一依陳羣輔魏故事王敦又舉兵內向時敦始寢疾導便率子弟發哀衆聞謂敦死咸有奮志及帝伐敦假導節都督諸軍領揚州刺史敦平封始興郡公邑三千戶賜絹九千疋進位太保司徒如故劍履上殿入朝不趨讚拜不名固讓帝崩導復與庾亮等同受遺詔共輔幼主是爲成帝加羽葆鼓吹班劍二十人及石勒侵阜陵詔加導大司馬假黃鉞出討之軍次江寧帝親餞于郊俄而賊退解大司馬庾亮將徵蘇峻訪之於導導曰峻猜險必不奉詔且山藪藏疾宜苞容之固爭不從亮遂召峻旣而難作六軍敗

通志

卷一百一十五

列傳三十八

寇

績導入宮侍帝峻以導德望不敢加害猶以本官居己之右峻又逼乘輿幸石頭導爭之不得峻日來帝前肆醜言導深懼有不測之禍時路永匡術賈寧竝說峻令殺導盡誅大臣更樹腹心峻敬導不納故永等貳於峻導使參軍袁耽潛諷誘永等謀奉帝出奔義軍而峻衛禦甚嚴事遂不果導乃攜二子隨永奔于白石及賊平宗廟宮室竝爲灰燼温嶠議遷都豫章三吳之豪請都會稽二論紛紜未有所適導曰建康古之金陵舊爲帝里又孫仲謀劉元德俱言王者之宅古之帝王不必以豐儉移都苟弘衛文大帛之冠則無往不可若不績其

麻則樂土爲虛矣且北寇游魂伺我之隙一旦示弱竄於蠻越求之望實懼非良計今特宜鎮之以靜羣情自安由是嶠等議竝不行導善於因事雖無日用之益而歲計有餘時帑藏空竭庫中唯有練數千端鬻之不售而國用不給導患之乃與朝賢俱制練布單衣於是士人翕然競服之練遂踊貴乃令主者出賣端至一金其爲時所慕如此六年冬烝詔歸胙於導曰無下拜導辭疾不敢當初帝幼沖見導每拜又常與導手詔則云惶恐言中書作詔則曰敬問於是以爲定制自後元正導入帝猶爲之興焉時大旱導上疏遜位優詔不許導固讓詔累逼之然後視事導簡素寡欲倉無儲穀衣不重帛帝知之給布萬疋以供私費導有羸疾不堪朝會帝幸其府縱酒作樂後令輿車入殿其見敬如此石虎掠騎至歷陽導請出討之加大司馬假黃鉞中外諸軍事置左右長史司馬給布萬疋俄而賊退解大司馬復轉中外大都督進位太傅又拜丞相依漢制罷司徒官以并之是歲妻曹氏卒贈金章紫綬初曹氏性妒導甚憚之乃密營別館以處衆妾曹氏知而將往焉導恐妾被辱遽令命駕猶恐遲之以所執塵尾柄驅牛而進司徒蔡謨聞之戲導曰朝廷欲加公九錫導不之覺但謙退

通志

卷三十五

列傳三十八

五

而已謨曰不聞餘物唯有短轅犢車長柄塵尾導大怒  
謂人曰吾往與羣賢共遊洛中何曾聞有蔡克兒也于  
時庾亮以望重地逼出鎮於外南蠻校尉陶稱聞說亮  
當舉兵內攻或勸導密爲之防導曰吾與元規休戚是  
同悠悠之談宜絕智者之口則如君言元規若來吾便  
角巾還第復何懼哉又與稱書以爲庾公帝之元勇宜  
善事之於是讒問遂絕時亮雖居外鎮而執朝廷之權  
既據上流握彊兵趣向者多歸之導內不能平常遇西  
風塵起舉扇自蔽徐曰元規塵汗人自漢魏以來羣臣  
不拜山陵導以元帝眷同布衣匪唯君臣而已每一崇

通志

卷一百一十五

列傳三十八

宋

進皆就拜不勝哀感由是詔百官拜陵自導始也咸和  
五年薨時年六十四帝舉哀於朝堂三日遣大鴻臚持  
節監護喪事贈襚之禮一依漢博陸侯及安平獻王故  
事及葬給九游輜輳車黃屋左纛前後羽葆鼓吹虎賁  
班劍百人中興名臣莫與爲比冊書褒顯諡曰文獻導  
二弟穎敞少與導俱知名時人以穎方温太真以敞比  
鄧伯道竝早卒導六子悅恬洽協劬嘗悅字長豫弱冠  
有高名事親色養導甚愛之導嘗共悅奕碁爭道導笑  
曰相與有瓜葛那得爲爾邪導性儉節帳下甘果爛敗  
令棄之云勿使大郎知悅少侍講東宮歷吳王友中書

侍郎先導卒諡曰貞世子先是導夢人以百萬錢買悅潛爲祈禱者備矣尋掘地得錢百萬意甚惡之一皆藏閉及悅疾篤導憂念特至不食積日忽見一人形狀甚偉被甲持刀導問君是何人曰僕是蔣侯也公兒不佳欲爲請命故來耳公勿復憂因求食遂噉數升食訖勃然謂導曰中書患非可救者言訖不見悅亦尋殞絕悅與導語常以慎密爲端導還臺及行悅未嘗不送至車後悅旣亡導還臺自悅常所送處哭至臺門又嘗爲母曹氏篋斂箱篋中物悅亡其母長使封篋不忍復開悅

無子以弟恬子混爲嗣襲導爵丹陽尹卒贈太常子嘏

通志

卷之三十五

列傳三十八

七

嗣尚鄱陽公主歷中領軍尚書卒子恢嗣義熙末爲游擊將軍悅弟恬字敬豫少好武不爲公門所重導見悅輒喜見恬便有怒色州辟別駕不行襲爵卽邱子性傲誕不拘禮法謝萬嘗造恬旣坐少頃恬便入內萬以爲必厚待已殊有喜色恬久之乃沐頭散髮而出據胡牀於庭中灑髮神氣傲邁竟無賓主之禮萬悵然而還晚節更好士多技藝善奕碁爲中興第一遷中書郎帝欲以爲中書令導固讓從之除後將軍魏郡太守加給事中領兵鎮石頭導薨去官俄起爲後將軍復鎮石頭轉吳國會稽內史加散騎常侍卒贈中軍將軍諡曰憲恬

弟洽字敬和導諸子中最知名與荀羨俱有美稱弱冠  
歷散騎中書郎中軍長史司徒左長史建武將軍吳郡  
內史徵拜領軍尋加中書令固讓表疏十上穆帝詔曰  
敬和清裁貴令昔爲中書郎吾時尚小數呼見意甚親  
之今與以用爲令旣機任須才且欲時時相見共講文  
章待以友臣之義而累表固讓甚違本懷其催洽令拜  
苦讓遂不受升平二年卒於官年三十六二子珣珉珣  
字元琳弱冠與陳郡謝元爲桓溫掾俱爲溫所敬重溫  
嘗謂人曰謝掾年四十必擁旄杖節王掾當作黑頭公  
皆未易才也珣轉主簿時溫經略中夏無有寧歲軍中

通志

卷宿五

列傳三十八

交

機務竝委珣焉文武數萬人悉識其面從討袁真封東  
亭侯轉大司馬參軍珣邪王友中軍長史給事黃門侍  
郎珣兄弟皆謝氏壻以猜嫌致隙太傅安旣與珣絕婚  
又離珣妻由是二族遂成仇讐時希安旨乃出珣爲豫  
章太守不之官除散騎常侍不拜遷祕書監安卒後遷  
侍中孝武深杖之轉輔國將軍吳國內史在郡爲士庶  
所悅徵爲尚書右僕射領吏部轉左僕射加征虜將軍  
復領太子詹事時帝雅好典籍珣與殷仲堪徐邈王恭  
郗恢等竝以才學文章見昵於帝及王國寶自媚於會  
稽王道子而與珣等不協帝慮晏駕後怨隙必生乃出

恭恢爲方伯而委珣端右珣夢人以大筆如椽與之既覺語人云此當有大手筆事俄而帝崩哀策諡議皆珣所草隆安初國寶用事謀黜舊臣遷珣尙書令王恭赴山陵欲殺國寶珣止之曰國寶雖終爲禍亂要罪逆未彰今便先事而發恐大失朝野之望況擁彊兵竊發於京輦誰謂非逆國寶若遂不改惡布天下然後順時望除之亦無憂不濟也恭乃止旣而謂珣曰比來視君一似胡廣珣曰王陵廷爭陳平慎默但問歲終何如耳恭尋起兵國寶將殺珣等僅而得免語在國寶傳二年恭復舉兵假珣節進衛將軍都督琅邪水陸軍事事平上所假節加散騎常侍四年以疾解職歲餘卒時年五十二追贈車騎將軍開府諡曰獻穆桓元輔政改贈司徒初珣旣與謝安有隙在東聞安薨便出京師詣族弟獻之曰吾欲哭謝公獻之驚曰所望於法護於是直前哭之甚慟法護珣小字也珣五子弘虞柳孺曇首宋世竝有高名珣弟珉字季琰少有才藝善行書名出珣右時人爲之語曰法護非不佳僧彌難爲兄僧彌珉小字也時有外國沙門名提婆妙解法理爲珣兄弟講毗曇經珉時尚幼講未半便云已解卽於別室與沙門法綱等數人自講法綱歎曰大義皆是但小未精耳辟州主簿

通志

卷一百一十五

列傳三十八

五

舉秀才不行後歷著作散騎郎國子博士黃門侍郎侍  
中代王獻之爲長兼中書令二人素齊名世謂獻之爲  
大令珉爲小令太元十三年卒時年三十八追贈太常  
二子朗練義熙中竝歷侍中洽弟協字敬祖元帝撫軍  
參軍襲爵武岡侯早卒無子以弟劭子謚爲嗣謚字稚  
遠少有美譽與譙國桓允太原王綏齊名拜祕書郎襲  
父爵遷祕書丞歷中軍長史黃門郎侍中及桓元舉兵  
詔謚銜命詣元元深敬昵焉拜建威將軍吳國內史未  
至郡元以爲中書令領軍將軍吏部尙書遷中書監加  
散騎常侍領司徒及元將篡以謚兼太保奉璽冊詣元

通志

卷三十五

列傳三十八

字

元篡封武昌縣開國公加班劍二十人初劉裕爲布衣  
衆未之識也惟謚獨奇貴之常謂裕曰卿當爲一代英  
雄及裕破桓元謚以本官加侍中領揚州刺史錄尙書  
事謚旣受寵桓氏常不自安護軍將軍劉毅嘗問謚曰  
璽綬何在謚益懼會王綏以桓氏甥自疑謀反父子兄  
弟皆伏誅謚欲弟諶少驍果輕俠欲誘謚還吳起兵爲  
亂乃說謚曰王綏無罪而義旗誅之是誅時望也兄少  
立名譽加地位如此欲不危得乎謚懼而出奔劉裕笈  
詣大將軍武陵王遵遣人追躡謚旣還委任如先加謚  
班劍二十人義熙三年卒官時年四十八追贈侍中司



徒諡曰文恭三子瑾球琇人宋皆至大官協弟劭字敬倫歷東陽太守吏部郎司徒左長史丹陽尹劭美姿容有風操雖家人近習未嘗見其墮替之容桓溫甚器之遷吏部尚書尚書僕射領中領軍出爲建威將軍吳國內史卒贈車騎將軍諡曰簡三子穆默恢穆臨海太守默吳國內史加二千石恢右衛將軍穆三子簡智超默二子鑑惠義熙中竝歷顯職劭弟瞽字敬文恬虛守靜不競榮利少歷清官除吏部郎侍中建威將軍吳國內史時年饑粟貴人多餓死瞽以私米作餽粥以飴餓者所濟活甚衆徵補中領軍不拜徙尚書領中護軍復爲

通志

卷三十五

列傳二十八

十一

征虜將軍吳國內史頃之桓沖表請瞽爲江州刺史固辭不拜轉督浙江東五郡左將軍會稽內史進號鎮軍將軍加散騎常侍卒於官贈衛將軍子廡歷太子中庶子司徒左長史以母喪居于吳王恭舉兵加廡建威將軍吳國內史令起軍助爲聲援廡卽墨絰台衆誅殺異已仍遣前吳國內史虞嘯父等入吳興聚兵輕俠赴者萬計廡自謂義兵一動勢未必寧可乘閒而取富貴而曾不旬日國寶賜死恭罷兵符廡去職廡大怒廻衆討恭恭遣司馬劉牢之距戰于曲阿廡衆潰奔走遂不知所在長子泰爲恭所殺少子華以不知廡存亡憂毀布

衣蔬食後從兄謚言其死所華始發喪入仕初導渡淮  
使郭璞筮之卦成璞曰吉無不利淮水絕王氏滅其後  
子孫繁衍竟如璞言

通志

卷一百二十五

列傳三十八

三



